

漳州府志

卷世一廿二册内

三五公司所藏

ル 5
3438
31



門 5
號 3438
卷 31

漳州府志

三才公同

早稻田 大學 圖書館
第 32.4.16 文
藏 書

漳州府志卷之四十六

藝文六 乾隆志卷三十

雜著

謁高東溪祠文

朱 熹

惟先生剛方之操鯁切之言一視險夷至死不變所謂一世之偉人非獨一鄉之善士也熹敬仰高風為日既久又幸嘗得執筆編列祠事而今日之來獲拜堂下則於隱忍回互之譏若有愧焉炷香酌酒斂衽陳詞伏惟先生之靈有以鑒之謹告

跋高彥先家諸帖

朱 熹

漳州府志 藝文六

三百四十五

熹猶及見紹興中年姦凶擅朝忠賢奔播時事而知漳浦高公之爲烈也老矣南來乃獲拜其祠象於學宮窺其逸藁於家集而識其嗣子之爲人又益得其本末之詳甚可嘆也季士又以此軸見示如李會二胡諸公皆先人所從遊當日相隨去國者三復其言益以慨嘆乃敬書其後而歸之紹熙辛亥四月二十七日新安朱熹書

朱子守漳實蹟紀

宋 陳 淳

朱先生守臨漳未至之始闔郡吏民得於所素竦然望之如神明俗之淫蕩於優戲者在在悉屏戢奔遁及下車蒞政寬嚴合宜不事小惠一行正大之公情絕無苟且之私

意而人心肅然以定官曹厲節志而不敢縱所欲官族循法度而不敢干以私胥徒易慮而不敢行姦豪猾斂蹤而不敢冒法郡中訟牒日常不下二三百自先生至民訟不取飾虛詞其無情者畏憚而不復出細故者相解而自止惟理實事重不容於私決者不得已而後進故訟庭清簡每所聽不過二三十而已且又爲歷以誌其事目旬一校其畢否故吏無復容其稽滯以賊邀於民而民亦無復曳其稽滯以賊囑於吏事早白而人甚便之郡俗於春則諸寺爲傳經之集諸坊爲朝嶽之會於秋則諸鄉爲禮塔之社先生聞之一禁而盡息而諸廟附鬼爲妖者亦相視斂

戢不敢復爲迎神之舉郡俗良家子女多學佛老別創精廬錯居市廛峩冠緇裘出入爲群至有以敗度至訟庭者先生憫然爲文以喻其父兄而家閉精廬無復肆出平時姦民多鼠竊自先生至未嘗有峻懲者而皆望風屏迹終先生去徧四境民皆安寢無有夜警者後三年歲在甲寅有友人自漳浦來謂某曰南邑內外盜竊公行比屋無寧居人人今始思先生昔日之化外戶不閉眞爲太平民而不可得矣又後三年都市有行劫者民於是益思先生治下安得而有此也尤篤意於學校牒延郡士黃樵仲施允壽石洪慶李唐咨林易簡楊士訓永嘉徐寓及淳八人入

學表率旬之二日又領官屬下州學視諸生講小學爲正其義六日下縣學亦如之又創受成齋教養武生員新射圃時督之射其於民亦務在教化嘗傍釋孝經庶人章及古靈先生之文散諭百姓正月維新又條布孝悌之訓與民更始訟庭所斷則必以人倫爲重葺年人正安習先生之化而先生又行矣又嘗講求民間利病以經界之大爲民利力奏行之以鬻鹽之深爲民病先罷其瀕海之鋪十有一欲俟經界之正賦既定然後闔罷而悉除之此志皆不克遂然所以罷者累政奉承不敢變至今民被其惠也他如罷上元放燈以除懸禮立風雷雨師壇以正常

祀省燕約饋寬賦簡役邵農厲兵善政在民未可悉記或有譏誆不靖者特出於訟庭不得志之強禦亦不過以慘酷爲言而實亦無可指者今或問諸鄉民府吏未有不咨嗟稱贊心仰而誠服亦可以見公論之所在此某鄉邦所親覩者其他歷仕則有不及知也

南靖城故邑紀事

羅大紘吉水人

萬歷丁酉夏吉水羅大紘過訪故中丞李孟誠先生於漳郡起居已間先生所得士則曰南靖陳侯復舊邑九旬而城成八月而已工俱罷羅生日有是哉及歸過南靖暮夜叩關入覩新城之壯已而侯來謁羅生述曰豈九旬成城

陳令君耶侯答曰俗吏之役何足爲長者道也坐而談乃得其興革之故與成功之所以爲速者因採撫其事而紀之

南靖濱双溪據原野風氣和民物豐太史林震李貞皆其翼產也嘉靖末龍溪丞守縣無備寇襲城殘之後令怠不加戢上官詰之莫能對伴歸過於形家不利遽謀遷新城新城倚玳山崎側而陷遷三十年居民不滿二百家盡胥隸傭保稍雨則流沙淤民舍風發飄屋瓦有警則徙妻子依他所以爲安其謳陰而思故邑非一日之積也陳侯莅南靖二年得民和父老子弟涕泣言新邑苦故邑便狀侯

進父老子弟而諮之曰完故邑誠便將無有所費與勞於
吾民也而無有後悔乎曰無費將安出乎曰出於畝將安
所役衆乎曰出於里孰督之曰擇其豪督之侯竟白其狀
於兩臺及兩司咸報可於是會南靖田得二十六萬畝有
奇覈其上中而差次科之計銀八千有奇然自改邑後民
耗矣田大半折入他縣而他縣人不能耕仍土著佃以田
求佃以佃入貲民不能隱令三老收其入而輸之官先是
侯議復故城并存山城以爲填縣人言存山城亡益於民
折之完故城便乃度折故磚石爲資者五千六百尺有奇
創費築者六百尺有奇六百尺內上賈授銀二十次十五

折故爲資者半之覈里中富民任城工者二百餘人上產
受六十尺以上中產三十尺以下受賈如其數任作縣治
者四人受五百作學宮者四人受四百作觀察署者一人
受百四十作府署者一人受七十作城隍祠者一人受八
十作江樓者一人受百七十作水障者二人受百八十作
大倉者一人受四十雜作者十二人受五十有五任既定
爲之期限擇里中豪愿有力者督視之千堵並興百工具
營丁壯操作老弱饋饌陳侯不自親一事募一役命一匠
巡行慰勞抵掌談笑而城邑成徙之期年居鱗比人肩摩
浸浸乎洋洋有大國之風是役也造城凡六千二百七十

尺隍稱是爲闕四爲臺十有五縣治一覺宮一公署一廩
一江樓一神祠一水障一雜作不具論論其較著者費白
金六千三百九十有奇畝賦如其費而止

圭嶼建塔募緣疏

周起元

原夫鼇極植地媧石補天理甚超忽維以川融山結不無
虧全天巧未闕人力迺施其手扶身造亦有諸焉吾漳玉
鈐開郡岐海劃區元和以來人文肇興紫陽而後治教翔
浴亦旣風華道上流峙炳靈矣東臨滄海山川襟帶之勢
到彼而盡惟圭嶼一峯屹當巽維外盱波濤則潏蕩無垠
兩瞻郡邑則相錯如繡隆慶二守羅公拱宸相是地形大

開闢風氣築城八面以象八卦雖陵谷變遷而神理不滅計
所闕畧者增高及遠挿漢參雲蓋有待也今卞城陶明府
博採芻蕘以嶼當建塔聳秀地靈請於景源袁使君主持
宏議特允所請刻期經厝以去歲某月諏吉鳩儻因高就
勝駸駸乎有凌霄之勢矣聞且條諸當道大闡福業襄厥
盛媿而吾漳善信勸施未厯奔轅亦何以佐下風焉竺氏
微理難可殫述聞之婆娑置塔本自耶舍尊者隨佛放光
卽成窳堵故塔卽福地建卽福緣今以釣遊之所經蠡管
之所及是嶼靈勝稱是法輪海水上潮江水逆流蜿蜒游
龍勢能飛動如其佛力人力相需罔後爲世良緣亦有四

焉一者江開兩岸塔建中流當使潮音虛塔水月澄鱗青蓮出波慧日四照色相浮漚疊空毛孔作法界身緣二者龍天聳象巍峩拱揖勢如脫穎茅茹帝家山圭露冕朝宗辰極於以砥柱狂瀾撐持地軸作宰官身緣三者法輪無改滄桑可成五風十雨廣鹵如雲而且江妃順軌天吳不波寶筏元津普濟無量作長者身緣四者琳幢旋規照離雲日遂使犀然鱣徙鉢隱蛟沈媚川蘊岫映爽眉目作無等等身生大歡喜緣如是傾渴如是瞻承故當廣叩有緣冀開善信莫靳檀施也又今所董役驅石海東下捷雲表計其壘空萬斧之費哀鏹當溢四千玲瓏九級之尊爲標

將逾百尺工緻繁鉅非銖石可成凡我能仁廣邀同好結無量緣開無住捨庶積羽凌風集流浮艦在今日也且漳之樂善亦豈一時其補助山川亦匪一事嘉熙而虎渡梁皇慶而開元煥均創未嘗有而莊侯之臨淵累址應者若雲意公之丑口重基施者如兩龍川芝嶺福果不磨今以當道名公鼎力而經始於上郡邑輿情協力而子趨於下覆篲蚤期合尖有日昔童子掇沙得阿育果况不朽在山川垂庥在奕禩者哉其爲功德不可思議願言隨喜普我聲聞

圭與建塔後更建佛閣及文昌祠天妃宮募緣疏

明張燮海澄孝廉

水國煙深濤門天盡望冠山之迴沫有與如圭乘破浪之
長風連壺作島靈氣之所支柱夙建霞起之標名勝于焉
廢興宜補石鍊之色有柱下史曰周仲先簪筆觸邪則邦
之司直下車過里乃鄉之津梁既龍種以來歸增蜃樓以
永結爰白當路立王勝緣泛截流之橫波中開砥柱時凌
霄之倒影忽湧支提境既現夫化城事宜環乎香界是用
闢旃檀之寶地宏瀉法流護瓊瑤之慈容重輝慧炬蓋清
涼之小葉卽控鎮乎大荒別有文昌之宮渾帝車而登進
俛天之妹奠川后以安流是皆震且之所乞靈坤維之所

受福數楹竝峙百堵繁興行挾如來以渡江俟揖羣真而
登嶠將使河光似冪連慧日於扶桑霓舞爲裳蔭闔風於
鐵網靈氣倍爽名勝常鮮人文鵠起以繽紛卽是睢渙之
續水賈舶鱗次而晏堵何妨潮汐之天池真水國之芳因
濤門之盛業也通都介福慶非止於一隅大地輝煌功宜
資於衆部爲裘關乎積翠合錦取之累絲敢告十方共襄
茲舉捐太倉糲米便佐布金貽深林一枝自參豐玉願言
隨喜勿謂唐捐倘終鳥革而翬飛薄映龍堂之鱗屋庶揚
葩石劫共成應節之觀孕璆文鮒齊綴鳴磬之響更恢海
賦永麗山經云爾

清漳風俗考

明張燮

漳在無諸國爲最南漢武帝時徙民江淮間虛其地其後爲緩安爲緩城羈縻瘴鄉聲教尚阻沈懷遠謂陰崖猿書嘯陽畝杭先熟稚子練葛衣樵人薜蘿屋蕭索景象至今可覆案也唐垂拱時玉鈐建麾始得比於郡國周潘通籍而後夫亦稍知學矣趙宋以來經制漸備生齒漸繁鈿視漸殷風徽漸啓迨乎考亭作牧嘉興所部興化名教經術遽爲沾染餘風流韻蓋歲迫猶有存者則大儒建標之力也若左道尊而尚鬼雄心熾而喜爭戶說渺論終復難革習俗之漸所由來焉明興聖治初洽被於海表易固陋而

文明往往自啻而豐施雕琢于醇初又往往刻厚而薄人情物態亦畧可言如婚姻不甚擇婿在門戶爲主其有高間降衡脩庭樹蓬者中或別有利焉則遠近醜之男禮女贅豪華相尚覺明珠翠羽之屬大爲騰踴死喪之門粗知備禮顧強半作佛事紳章猶然營葬一節見窘陰陽家歲月遷延十室而九然娶婦無不親迎者讀禮無不終制者卽瑣族細人盡知守此尚依古道之遺耳嘗試考比年之門士大夫多能自樹坊表扃門戶課洒掃談稼穡樂寒溫耳目足跡不復出百里外而高者乃披赤心而憂國是抱素業而思名山白屋繩樞人絃戶誦禿翁稍具脩脯莫不

阿兒作計挾策而問吾伊者士從單門起家以爲常至後來駿快又多自童牙學作馨語琴書圖籍較有遠志前此未有也此士風之盛也田家畢力從事汙邪卽高邱懸崖可闢而畝他或結網而漁或反裘而薪足復生活城闔之內百工鱗集機杼鑪錘心手俱應又或別市互物貿易而時盈縮焉四方環視大有可觀前此未有也此民風之盛也甲第連雲朱甍畫梁負妍爭麗海濱饒石門柱庭砌備極廣長雕摩之工倍於攻木塼填設色也每見委巷窮閻矯牆敗屋轉盼未幾合併作翬飛鳥革之觀矣中人家纔自存伶俦環堵亦強自脩飾爲鄉里顏面焉人無貴賤多

衣綺繡意製相詭華采相鮮蓋一二華曹貴人或存寒素而俗子官儀變童婦飾每每瓶無餘粟桁列殘衣嘗見隆萬初年布衣未試子衿依然皂帽今則冠蓋相望於道不知何族之弟子也嘆世者謂竟盛之端卽伏衰之路省煩裁僭是當世第一喫緊然一家之繁費十家取給焉貧人因得糊口其間損有餘補不足安知非天道乎所可笑者一種傲衣羸馬倚托清脩而輦賄避名攫金閉眼又如老子素封衣不曳地食不重肉弄牙籌爭刀錐徵以施予賑貸搖頭而走若者竟日阿堵貧民不得名其一錢出孔甚啓入孔甚溢復何益於人世哉又其甚者豪門上族實繁

有徒蜂目既噴豺聲乍展始猶禍中黔庶也終且煽虐士紳矣間左無賴跋扈輒張雞肋安拳螳臂摧轍始猶橫施村落也終且明目都市矣大都競勝終訟競利啓焚鼠輩因憑社作威虎冠以生翼滋暴狡者視閭劣爲奇貨後進凌長大作死灰此漳與四方之所同也築水爲田淄澠稍混因而攘奪不休以夷爲市子母既羸因而機械百變此漳與四方之所異也若夫行樂公子間身少年閭雞走馬吹竹鳴絲連手醉歡遨神遼曠雖妨本業然亦足鼓吹盛世點綴豐年不容此無以見太平已世重福田每梵宮有所脩葺金錢之施不呼而滿然多不媚道而佞佛人家祈

禳置壇甚尊膜拜甚虔焚香作供甚備然又不信僧而信巫此其不可解者若夫尋常閭閻之內差敦四維婦人非老大足跡不踰閭而貞女烈姬在在有黃鵠之韻焉男子安分守法亦不乏人老翁坐大樹下談上皇及京朝事儕輩艷耳以聽或公家之吏胥與隸偶爾相遭輒起立氣肅惟恐失乃公歡催科在他處最易蹲道而漳人東臯輸稅卽甚儉歲不敢縮額於常供郡國吏稍稍恩澤留在民間去輒尸而祝之或事久經過迎送至萬餘口此亦未俗之近于龐厚也夫以孤與遙屯前代不啻瘠土忽而聲名文物爲東南一大都會然世變江河之慮亦復乘之而趨是

必有人焉砥柱其間臨尾間而防沃焦洪濤不至蕩獄耳
是所望於司世者

明誠堂紀事

莊起儔

先生既久廬墓北山而浦東舊居日就荒圯諸弟子因請
構爲講舍所謂明誠堂也時甲申春三月庚子明誠堂落
成門人張天維林翰冲等爰先三旬致簡同人將以是日
共升斯堂仰受傳習郡司李曹公廣龍溪令劉公鴻嘉金
浦令沈公兆昌亦申斯約而先生以三月朔日祭掃渡江
至十日乃歸歸之前一日浦南渠魁初就俘馘先生以餘
孽未殄恐不遑于俎豆而曹公劉公已先一日至者諸及

門謹不敢辭庚子之晶邑中諸先生亦至是日也天氣清
和春風四敷同郡孝廉至者十有六人茂才遠近至者八
十一人觀者益堵牆焉先生謁先聖先賢畢乃請公祖父
母曰子弟之不肖瘡痍之未起賴豈弟樂只之矢其文德
也以獲寧字敢不再拜諸公祖父母西嚮請先生曰以宗
祏之靈蒼生之福得從俎豆以趨下風敢不再拜交拜畢
乃共更請先生先生曰業從諸老先生之後矣敢辭諸先
生不可亦皆再拜環揖而入先生敷長者之席及諸經論
聽聞之坐稍後懸間鐘磬琴瑟各一坐定講史振聲讀誓
誠凡七條畢乃講書以東西問答相起也

因就明堂一二字
推論到底繁不

能悉 載 講畢請諸長者教誨乞言先生曰日中矣勿多溷長者為乃召饗人為食次每席八簋各視主者以定其客先生親饋祭酒畢乃就主人之位酒初巡歌者歌匏葉之詩先生出致辭曰以長者之盛德訓討諸子弟又無以獻也敢以匏葉先於兔首諸賓客謝過當也就坐酒六巡歌出車之末二章先生出獻曹公曰以此春日執訊獲醜雖有飛鴉食榘變音况倉庚乎乃皆再拜又歌六月之卒章先生又獻曰雖無孝友之朋願分燕喜之慶曹公曰吉甫何當張仲為多矣一皆再拜乃退就位歌者歌南山之全篇先生出獻劉公一以沈公曰以父母之光邦家也以父母之

德音也南山紀壽何足多乎乃皆再拜卒爵磬作就坐歌菁莪之四章酒七巡又歌隰棗之四章及黍苗之五章贊者曰賓主交相獻也先生乃出獻公祖父母曰今日喜見君子也小人之於君子猶黍苗之於陰雨飲德而已何報之有乃皆再拜先生又獻諸老先生曰以往者之不慎罹于咎災為諸先生憂今幸既見菁莪隰棗不是過也願終教誨之諸先生亦再拜曰原濕將平泉流將清王心將寧保艾異日未有艾也於是揖而飲酬酢三反乃復位酒再巡講監立于懸間之左誦抑戒之七章講史立于縣右誦賓筵之卒章於是磬作賓起金奏主人及諸友皆出肅賓

於道左長少先後禮儀笑語無有違者蓋自甯武叔豹韓厥趙孟子產大叔而下踰三千年未有與於此者矣

海防記

陳元麟

漳山壤也泊于水濱厥防二一在陸一在海海之防分內外防在外者以海為主倭劫之流盜困之又船不通則財用竭米不足民多菜色故憂在外洋防重于浦詔防在內者以郡為主以澄為門戶門戶疎則內虞勢危感而浦詔亦殆故防在內地世平則防外世亂則防內防在已亂則亂大民殘防于未亂則亂弭民安故已之防未亂之監也勝朝防在外者也始于防倭終于防盜用觀形勝置寨于

銅山于浯嶼城于鎮海于懸鍾于六鰲于雲霄置汛于南

澳以扼閩廣○銅山閩海重地也其轄北自金石接于浯

嶼南自梅嶺達于廣為水寨明初江夏侯設五水寨此其一舊在井尾

浯嶼者海中地也控於漳為澄門戶浯嶼亦水寨皆江夏侯建乃海澄同安門

戶後遷于廈門而故地遂為賊船巢窟去海澄八十里原築水寨及東西二炮臺今廢

濱一大都會也在澄浦之交焉置衛城之其地在浦之二十里

之南洪武二十一年間周德興城之東西至海西北至郡

城陸路二百六十里西至廣東大埕所陸路三百六十里

廣東南灣山○懸鍾者詔安地也去縣三十里汛屬於鎮

海其地屬漳潮交界處守在洋林○六鰲為浦屬自烏石

至於埭頭可二十里沙岸通焉亦屬於鎮海其地為船停泊之所○

雲霄浦舊治也為內險達於銅山為漳蔽下疏於百粵舊

城為重鎮地外有八尺門扼海門為賊犯六都雲霄之路

本朝順治十七年復建鎮城海逆既平八尺門復築東西

兩砲臺○南灣有漳潮接壤也孤懸海中可二百里潮通于

柘林漳通于懸鍾控二州嘉靖季年許朝光林道乾會一

萬歷四年海防同知羅拱辰乃相地築城三座一在深水

灣一在雲蓋寺一在龍眼沙互相聯絡調兵哨守有田三

處約五萬畝可以屯耕自後設副總兵守之遂為重鎮又

有走馬溪在五都海濱為海日藏風之所凡冠往來必泊

于此為南灣之要地又去懸鍾凡為險置兵守之日千

三十里有青灣賊船多泊于此戶日副千戶日百戶指揮領之統于省之指揮使司

○鯨鯢時翻波浪沸騰用建參遊以保羣生嘉靖三十五年

題設水陸參將三十八年巡撫劉燾題請福建分爲南北

中三路以漳州爲南路參將併水陸爲一轄銅山浯嶼等

處自祥芝以至大城皆爲汛地控漳○乃設副總兵駐於

南灣壓兩省治水師萬歷四年設轄南灣遊兵柘林守○

定爲汛地四哨守之曰勝灣曰娘宮前曰青灣曰雲蓋寺

青灣在南灣外內有大灣可泊西南風船數隻其地淺狹

取水甚艱汛地次衝○勝灣在嶼石灣之海口相去里餘

有水源一處無論發汛收汛兵船俱於此可泊東北風

船五六隻內通詔安外通大海及前語礮嶼雲霄等處

去娘宮前水程約五十里為汛地次衝○娘宮前可泊東

北風船四五十隻一望汪洋一望大山山有水源二處倭

寇取汲于此上至銅山巒殼灣約水程三十餘里汛地極

衝○雲蓋寺在南灣山之東南可泊西北風船五六隻

其地有水源二穴相聯倭寇常汲于此汛地極衝○此外

又有彭山與南灣相對三山並列海中又一島向北尖尾

四面皆危石暗礁不可久○爰有定汛之期有會哨之法

住中有泉海船取汲于此

○其期以春冬春以清明前十日三月撤冬以霜降後十日二月而撤○其船會哨上自勝灣至於娘宮前賈籌簿與銅山水寨會下自青灣及於雲蓋寺賈籌簿與廣東柘林防倭其會瞭鯨氣勦寇盜○寇外自浙而趨閩入於海必由於銅山防在古雷汎於甘山於萊嶼而以鎮海六鰲之兵薄之○寇外自廣而趨漳入於海必由於雲蓋寺防於彭山於宮前於走馬聲援於柘林而以銅山懸鐘之兵會之○寇內犯於浦詔必經銅山據雲霄以截我師之援守在八尺門扼之於外洋而以鎮海懸鐘六鰲之師救之○寇內犯於月港必巢于外浯嶼守在港口防于大泥外

扼于鎮海而以中左之兵感之中左即今廈門為泉地漳門戶也舊名中左所浯嶼

遷防於此○為蛇若常山首尾相擊勢乃外寧○明季為內防

○海濱既集月港通潮豪民射利誘寇內訐倭奴饒醜送

跳梁自正德以後月港豪民多造巨船向外洋交易久之誘寇內訐法不能止○乃設安邊之

館遂建澄邑為三城曰縣治曰九都曰港口縣治舊為草板堡九都港

口舊亦民城既設縣乃築腰城而縣之後又設溪尾銃城

以據上流築大泥銃城以障下流又以大泥地低下乃復

築天妃宮銃城又港口設中權關一帶沿江而下直至大

泥銃城築腰城長二百七十丈高六尺俱砌以石及海寇

入據遂毀溪尾大泥二城僅存○二十四將薄於海躡自月

港窺於郡分擾於詔安崇正間海寇劉三老劉香周四老

袁八老楊六楊七等二十四人稱

四將○作機兵就中為水哨副以遊兵佐以客實浙營

地

舊有濠門海門島尾三巡司各轄弓兵邑治既建乃額設
機兵分爲四哨三哨在陸一哨在水又有遊兵客兵客兵
者浙營兵也遊兵有哨船 ○建石城於圭嶼過海口嶼在
其間多寡隨時改制不一 ○萬歷間築之募土兵以守其地最要今
城毀宜復又有錢嶼木嶼二城今亦廢 ○堡兩鎮在鎮門
口要地進士陳天定築以固郡城太 ○明社已屋海其朝
守施邦曜易以石仍其名曰陳公城 ○宗芝龍內附厥子乃逸
唐藩既平漳泉內附鄭芝龍受撫
其子鄭成功逸出海外爲邊海患
幾五 ○據中左泊金門暨於澎島遂棲於臺灣也金門在
十載 泗嶼對面二十里爲泉地 ○澎島在漳泉遠海之外爲最
要地自料羅開船二晝夜始見山東西十五里南北二十
里舊時倭奴往來取水必經于此萬歷壬辰倭患朝鮮乃
發兵守之自鄭氏阻險臺灣此地遂爲扼要蓋欲往臺灣
多于此處泊舟以待風便 ○臺灣在海島澎湖外舊係琉
球故壤后倭奪而居之又爲阿蘭人據之鄭成功既敗于
江南乃奪而 ○入我澄邑因我郡毀我城郭用作內禦防
守之遂爲巢

三港 順治壬辰年澄守將赫文興以城叛海寇遂踞之六
城叛乙未克復然沿 ○錦江爲二洲三水分焉爲鳥礁爲
海皆寇而海防密矣 ○其中洪自海門經古茂夾鳥礁達於三叉河
爲三港 ○其南港逼大泥入於海澄經於石碼石碼城爲
破浪直 ○其北港自石美逆
抵郡城 ○其南港逼大泥入於海澄經於石碼石碼城爲
鎮門城築之爲海澄內固南港要地 ○其北港自石美逆
流至於玉洲過三叉河乃俱達于郡城 ○用置防於石美
於玉洲於江東而戍之 石美在龍之廿九都明初有土堡
香折毀香成功叔也康熙九年復城之今復毀西至郡六
十里東至廈門三十里迤海門 ○玉洲爲廿八都西距郡
四十五里東距石美十五里去廈門四十五里嘉靖間建
以備倭爲民城康熙己未年劉國軒毀之自康熙二年官
兵屯此遂爲汛防 ○江東去城四十里即柳營江也江有
橋兩岸俱築以城爲北溪水口爲海寇別徑故置防焉且

入長泰由此直抵溪西 ○置城於三叉河遏三港汎下滸

汎福河為內圍 三叉河在鎮門外地當三港之衝為海船

碼全建 ○下滸原係蘇家民城距郡三十里係龍溪十一

都地與三叉河隔水相望為犄角 ○福河舊亦民堡與下

廢為汎地 ○寇從北港入拒於石美戰於玉洲守於三

叉河而以下滸之兵犄之寇逸於江東則分防萬松關以

遏陸路 萬松關為岷山去城三十里去江東十里為北行

孔道寇渡江東陸行必由于此施公邦曜築關設

兵防 ○寇從南港入則海澄捍之城石碼為內固 ○若登

岸則防於祖山頭戰於灣腰樹據水頭 祖山頭在石碼城

軍救澄多戰沒于此其地為隘險 ○灣腰樹在十一都鎮

門之右近水頭山為郡城通澄往來之險道海兵圍澄時

此地為戰場官軍沒焉 ○水頭 ○寇從中港入則禦在三

山亦要地為海澄入郡城南路

文 山河防在下滸內固為福河扼於文山於鎮口據鳳山

俗呼觀音山龍之十一都在鎮門外半里與鳳山

對峙隔一溪官軍海寇常置壘于此今營迹尚存 ○其置

兵與時多寡相其所在而汎防之 明時為弓兵為機兵為

為浙兵或統以衛千總或統以欽依把總名色把總

增減隨時 國朝沿海各縣防守官兵亦增減不一

元右丞晉國羅公墓誌銘 元 陳志方 進士

曾鞏曰古之人有功德材行志義之美者懼後世之不知

則必銘而見之或納于廟或存于墓一也右丞羅公之葬

也出于亂賊之手不及存于墓姑勒之石以藏于廟其亦

可也公諱良字彥溫別號雲橋少時狀貌俊偉能文章以

善書名值元季之亂每歎曰大丈夫當掃除天下安集四

章州府志

藝文六

四百九十五

境今舉世紛亂安事毛錐爲也因發廩募鄉民從大將擊平南勝番賊李志甫功居最奏授長汀尉未幾番寇吳仰海江西賊詹天驥等繼發公奉命討平之陞漳新翼萬戶至正十三年福安賊康子政犯福州帥憲兩府以禮幣致公公率兵千餘人沿海道日夜而進至城下以藥弩射之賊視其矢驚曰漳州羅萬戶軍也何以至此卽駭散平章開榮師奏授黃金符印是時論入閩之能將者必首屈公一指擬之吳漢劉鋹之流其後南勝番寇陳角車李國祥安溪賊李大同安賊吳肥潮賊王猛虎江西賊林國庸後先竊發西林賊陳世民政陷南詔長汀龍巖漳浦諸邑公

悉削平降其衆復其邑陞福建行省右丞兼廣東道宣慰使都元帥又以樓船運糧沿海道直抵遼東以給行在軍餉上嘉忠貞解衣賜之進爵榮祿大夫兼管內勸農防禦事世襲漳州路總管柱國晉國公封其三代二十六年陳友定據福建兵勢甚張遠近望風投款公獨貽書責之友定大怒發兵攻漳公設伏江東以俟之千戶張石古等違節制友定兵渡柳營江遂圍城連攻旬月盡壞其先人塋塋城中矢石殆盡士卒不得休息父老垂涕請曰江南道絕天子萬里孤城無援破在旦夕元帥守此欲爲誰耶公曰天子命我守此土義當與此土同存亡豈可舍義從賊

即先是有百戶長盧積者行軍失律公以法誅之其子善徵驍勇從置募下時使領北門軍善徵遂開北門以叛賊入城公巷戰死時至正丙午九月四日也妣陳氏諱德金聞公戰死即自投後園池內二婢俱從死公弟萬戶羅三亦罵賊死長子安賓將兵往救公衆散亦自刎壯士從公死者百餘人友定義之以禮葬于眠羊山父墳之側嗚呼公以文事而兼武備負俊傑之才蘊忠義之氣輕財愛民謙已下士其爲將也披堅執銳與士卒同苦樂帥帥于野戰數十陷而未嘗左次其爲政也樽節浮費賦役均平有害必除百廢俱興友定潛據又能決大義而不屈夫死

于忠婦死于節父子兄弟義萃于一門嗚呼雖死猶生也已公子八人六人殉難惟第七子金剛相有後居龍溪第八子添兒居南靖三圍之處銘曰毅同室死同日者晉公夫婦也生膝下死侍側者晉公父子也忠義不死千載貽芳繩繩世世孫子之光

南勝伯贈侯爵賜諡忠潔陳公墓銘

鄭經巖 進士

公諱君用字玉諫少時頭角崢嶸舉秀才至元丁丑番民黃二使逆命郡兵追破之餘黨李至甫結聚南勝不能拔朝廷命重臣徵發四省兵以討之歷四載經百餘戰兵老民疲公憤然曰大丈夫生當利于時死當利于後召募鄉

民百餘名率從子陳進卿自備兵糧詣軍陳獻攻圍之畧期口夾戰公躬率民兵直抵烏泥洞穿山徑以入望見志甫率敢死士衝中堅發矢中志甫右臂直前奪所佩刀馘其首賊衆大潰大府論公稱第一以事上聞朝廷嘉之授忠顯校尉總府事累遷至宣武將軍同知汀漳延邵興福六路總管遭丁外艱服未闋潮賊率夏山虎拒汀漳鎮官兵罵攻不利福建帥閻奪情起復命統兵開府公曰忠孝不能兩全毅然承命賊聞公威兵不血刃皆望風來降至正庚子改授宣武將軍汀漳萬戶府正萬戶進階南勝伯由是北禦泉興西靖汀贛南平潮惠東肅海夸數千里外

莫不仰其威惠至正丙午年正月二十三日以壽薨于正寢肅政司高建請諡于朝制曰以身殉國之謂忠尚義亡利之謂潔可贈君用南勝侯諡忠潔歲丙午五月男崇源奉勅扶柩合二妣葬于龍溪石獅巖山之陽余因述其始末而爲之銘曰公之族望本自中華顯于唐宋遜于海崖遭世板蕩祖遷其家元祀喪彫全起氛妖業業漳土孽臣好驕相臣來臨兵戈四集師老民疲凶焰熠燿公由布衣捷刃奮起則百斯人誓以敢死拆爾尾毒擣爾心腹旣獲其魁餘悉敗剽邦國爾寧錫我令名豈不具慶父母與榮孝由忠立勲爵隨之後昆銘石儼然若思

漳州路達魯花赤合魯侯墓表

王禕

元有盡節之臣曰漳州路達魯花赤謹送理彌實字子初
合魯溫氏西域人也洪武元年我師征八閩閩八州不兩
月而平當是時合魯溫侯實監漳州路于是守將旣以所
部軍先遜郡事又屬他官總制政不自已出欲圖守禦之
策計未決而總制者已納降俄報新朝使者至禮當郊迎
侯從容語左右曰吾將圖之乃朝服北面再拜曰臣四十
始仕不數年致位二千石國恩厚矣今力不能禦敵義不
忍降報國恩者惟有死耳遂斫其印篆書其笏曰大元臣
子置几上卽引所拔刀刎喉中絕烟以死手執刀按膝坐

毅然如生時郡民聚哭庭下聲震地其斂葬東門外蓋年
四十有六矣侯早歲備宿衛年勞當入仕以母老不忍去
膝下不願仕母歿服除東宮素知其才勉之乃仕授承直
郎行宣政院崇教至辛丑陞奉訓大夫杭州路治中尋改
福州壬寅以事至京除福建行省理問官階轉奉議與福
建行省平章燕只普花同赴任會盜起閩城不得入侯贊
平章集諸縣民爲兵圍城盜勢旣蹙乃闕城東圍使出奔
因勒兵殲之以功陞朝列大夫居三年除漳州路魯達花
赤階亞中大夫時友定據全閩民苦其腹剝曰吾受千里
生人之寄寧忍坐視不加恤乎願釐庶事之利病而興除

之釋去文事而務存忠厚民受其惠甚多故其死也漳人無不痛思之其可爲稱道者如此侯祖曰蒲速兒大都路治中父曰默里馬合麻安慶路治中夫人回回氏子男二人長六十宿衛爲速古兒赤次普顏帖木兒江西行省通事嗚呼世之論者蓋曰非死之難而處死之爲難侯職在守土義不事二姓而守其土以死可謂死得其所矣豈非盡節之臣歟余至漳州得侯死事爲悉因嘆八州之吏大小奚啻數千百而大節烈然而侯者殆不可一二數爲書而表之并及其官代世次使刻諸石豈持以慰漳人之思而用爲人世之勸云

涂納言墓誌銘

黃道周

所貴秦匱者謂其立照也秦匱不立照則無爲貴秦匱矣所貴吳鈞者謂其立斷也吳鈞不立斷則無爲貴吳鈞矣子鈍且陋寡所從遊然猶及見納言涂公公自銓曹歸予初登賢書入謁揖袖中鏘然有鑰匙聲公目攝久之汗出及予在詞林公從留都召入爲光祿丞卒爾問公今高賢鱗集學行淳備可爲師表者公直視久微笑曰學自擇師何必問人予媿甚歸而責沈時鄒南臯馮少墟趙儕鶴諸老宿皆在都下顧名位尊自以珥筆不敢從諸公游居亡何公引疾先出都諸老次第謫去余亦乞歸養得候公於

里門值緹騎出逮周仲先閭巷老穉醵錢聚香嗷嗷乞緹
騎寬假道路公輦感曰是奚爲爲虎銜負寧有完理從朱
雲之言何遽癡乎歸謂諸郎曰吾卽不測一衣帶水從汨
羅毋爲嘈嘈也予觀世所謂學士膽決明雋無有如公者
矣公初仕金壇與顧奉常游爲東林書院主故時論詆訶
東林亦首及公公又自以精敏洞於人倫之鑑所可否重
於阿袞塗負之豕望影而啼方從東鹿奏最入改爲吏曹
羣小已反目視之及辛亥計發王閔西謝事錢金鼓舌姚
給事宗文附和錢金併力於公以公爲道學黨人黨人之
目從此始故事銓曹被人言輒杜門東裝公謂二年以來

造黨空國駭乖不可不辨乃爲三疏直剖宣城所指蹤諸
奸狀疏入留中讀其疏者至爲手顛先是二年趙濟鶴主
察黜權要戚屬爲御史道隆所訐亦出疏辨於是再見故
公於趙公先後稱相知天啟之初趙公秉銓起公爲攷功
銳意澄序而王永光爲南總憲好惡動相左總憲欲去南
臺李希孔王允成及儀曹王象春公大聲曰考功奉天子
威靈獎羣吏事權非輕名義至重若黨邪陷正二祖列宗
實式臨之王總憲亦心憾公而所黜吏石三畏何早輩皆
夤緣潛京師走璫門弄其心手公時已召爲大理丞轉左
通政或謂公曰吾道將泰自古來連茹之盛未有如今日

公愀然曰久旱驟霖無霖之勢吾虞其竭矣既而高總憲彈霍維華霍亦竄身於瑯與諸失職之徒謀翻燄趙太宰尋以破格爲失職者所撫公決意引病去不一年而緹騎四出銀鑰相望故天下之膽決明雋未有如公者也公竟以是見絀於天下病鬱鬱不起居閒常問公鄒南臯稱黑白不欲大分明爲言路指摘此云何公曰此自宋人雅語耳論者自詆韓魏公於南臯何涉予歸取名臣錄閱之果然公於書無不窺而要留意於經世之大至於鑑別事物立照立斷其天性云有子五人長伯案負奇才登壬午賢書次仲吉太學生余始識之圯司公生于萬歷甲戌成

甲辰進士以崇禎甲戌逝享年六十先配林贈宜人繼張封宜人將以崇禎癸未十有二月合葬于白塘山爲之銘曰吾聞詩書皆好正直譬之繩準以爲物則誰謂天求而機不克鑄象于鼎異類所怪以劍試石鉛削所駭誰謂道業朝拱乃大見爾諸昆球琳琅玕呼雷開冰拔地出山安知岱華亦棲是間

漳州府志卷之四十七

灾祥 附寇亂 乾隆志卷三十一後有新增

志星野於前必志灾祥於後猶漢書有天文志又有五行志以爲之徵也古人事天如事親親之喜怒見於色天之喜怒形於象明於天人相感之際而修省之事起焉太史公曰爲治者必明於三五夫子作春秋於灾祥大書特書此史家第一義也作灾祥志

灾祥

○梁大同六年九龍書戲西江

○唐開元十三年十一月朔漳浦梁山祥雲見絢爛亘百

里彌月而止。○貞元六年大旱觀察使吳湊檄當州官吏詣梁山禱雨祥雲見大雨三日。○天寶八載邑民鍾文定獲白鹿牝牡各一。

○宋咸平二年十月山水泛濫壞民舍千餘區州民黃孛等十家溺死。○大中祥符七年二月民邱顛于九龍溪獲一魚腹中有珠圍濶三寸七分旁有細珠七狀如七曜。○治平四年秋地震裂長數十丈濶丈餘有狗自中出視其底皆林木蔚然。○熙寧十年饑。○崇寧元年旱。○政和七年二月十二日甘露降于司理院雙梅上光燦射日味甘如飴三日未晞。○紹興十四年靈芝三莖

產于郡學戟門之東楹。○十八年漳浦崇照鹽塲海岸連有巨魚其一高數丈割其肉數車不動反刺其目乃轉嘴震鬣旁船皆覆又其一為漁人所獲長二丈餘重數千斤剖之有人橫腹中膚髮如生。京房易傳曰海數見巨魚和人進賢

○乾道六年漳浦旱。○隆興二年大旱首種不入自春至于八月。○淳熙四年州治灾守趙公綢建堂署有白鶴自半空而下翱翔飛舞移時乃去。○郡學有槐三莖生于儀門上之聖莖各七葉蒼翠經月。○十年九月乙丑大風雨水暴至州城半沒壞八百九十餘家。○十一年四月不雨至于八月是年亡禾令守臣賑粟貸種

○嘉定九年五月大水漂田廬害稼○十六年秋大水壞田稼○紹定元年龍江書院仰高堂產瑞芝九莖色如截肪

○元至治三年九月水○泰定三年九月水○至正十四年漳浦大旱

○明宣德五年長泰林震宅前兩井鳴三日

是年震狀元及第○

正統十年十一月癸未地日夜連九震鳥獸之屬皆辟易飛走山崩石墜地裂水湧公私屋宇摧壓者多凡百餘日乃止龍巖長泰南靖其震皆同○天順五年五月戊午夜風雨大作墜石拔木洪水汎溢漂人畜甚衆東

門內外譙樓皆圯漳浦縣漂人畜尤甚○七年七月疾

風暴雨北溪洪水漲平地深五丈柳營江橋亭漂沒無

遺○成化十年四月大鳥止郡庭榕樹上身色青灰翅

黑嘴足淡紅頭舉高丈餘舒其翼盈二丈攫紫背白鷺

而吞之後爲弩人射死

按此乃知府張瓚時事通志作九年誤

○七月戊

午夜暴雨不止山崩洪潦奄至城垣幾沒人物漂蕩浮

屍蔽江南門石橋二間圯軍民廬舍壞者不可勝計○

丙申丁酉歲漳浦大饑○十二年大旱至八月中旬漳

浦七都下坂社有物若雲片亂墜形類猴猿相援引長

一二丈初活動少頃消滅○十八年秋八月甲寅夜火

漳州府志 卷之四十七
燔雙門樓及公私廬舍數百區。二十一年春夏淫雨
龍溪漳浦南靖三縣田廬禾稼多壞。二十二年九月
長泰地震一日三次。宏治十五年龍溪縣十一都有
泉自東埭山暴湧而出漂石流沙壅田數十畝。十六
年秋八月長泰大水漂沒民居。十七年四月文山大
楓樹上產異花一簇其狀如蘭其葉如桂有殊香凡四
十日乃謝。九月西方有大星墜地其聲如雷園蔗燒
枯。正德四年漳浦蝗入境食禾稼知縣胥文相爲文
以祭害亦旋息。八年九年饑有司開倉賑濟。十四
年秋八月平和地震詔安漸山上龍起聲如摧屋山塌

裂深廣丈餘。十五年二月二十五日長泰地大震其
聲如雷。嘉靖四年歲大稔。七年龍溪漳浦平和甘
露降松柏上如霜餒食之甘。梁山鳥凡三日乃止。
八年長泰元夕張燈譙樓前自相蹂死者凡百有七人
○漳浦三都生員鄭習妻一乳三子俱育。埃田有雄
雞生一獸如貓兒狀。十月平和白虹見。九年漳浦
饑其春麥熟山竹生實如米採之數百石饑民賴以供
食。正月漳浦四都有海與三峯並列其日忽沒于海
不見頃之三峯並爲一屹立騰空有樓臺巍煥之狀變
態不常浮沉不一如是者凡三日識者以爲蜃氣見云

○十月彗見西方踰年始沒。○十一年彗見東方冬盡

乃沒。○十一月平和雨雪尺餘自是年歲大熟。○十二

年冬十月星隕如雨。○十四年平和夏旱。○秋大水。○

十一月海澄八都火延燒千有餘家。○十五年南靖大

旱蝗起。○十六年旱漳浦大饑。○龍溪甘露降。知府孫裕作甘

露亭。○十七年長泰上曷地方巨石無雷裂騰數十片。○

春三月平和地震。○二十二年龍溪長泰地震自四月

至六月震三次。○夏四月長泰隕霜。○秋平和清寧里

龍見。黑紅色飛入雲自北而東移時沒既而大雨二十三年龍溪平和大饑

○長泰大旱。○海澄九都火延燒數百家。○漳浦自二

十三二十四二十五五年俱大饑。○二十四年正月十六

日夜南山寺火。○夏六月長泰大雨雹大水漂廬禾稼

傷。○是年旱龍溪長泰南靖俱大饑平和有虎患。○二

十五年饑。○秋七月龍溪長泰兩雹。○二十六年大熟

自是連歲俱熟。○二十七年三月二白虹貫日中其

長竟天。○漳浦大水漂溺民居甚多。○二十八年五月

五日南河競渡城中男婦盡出粧採蓮船遊玩忽午後

颶風大作船覆溺死者六十餘人。○冬十月地震有聲

如雷。○三十三年郡城黑雨。○海澄九都火延燒數百

家。○三十四年春二月府治災。○夏四月長泰縣有羣

卷之四十一
五
虎出害人欽化地方尤甚三十六年亦如之○三十五年春二月彗星見北方長丈餘凡三十餘日乃滅○三十六年三月詔安兩雹大如雞卵破屋二時乃止四都爲甚○三十七年三月梁山鳴漳浦海澄兩雹大如斧碎屋傷畜無數○六月有黑雲降于郡西郊溝水皆沸屋瓦亦飛其夜有大星隕○十月二十四日詔安紅水隨潮上瀕海居民取蠔食者多死○三十八年六月十六日夜海澄有星隕如雷自西北方起○十月漳浦有星墜地大如斗自西及東其聲如雷○二月漳浦西郭外唐將軍廟前榕樹產靈芝數本黃蓋金英獻于縣○

三十九年七月南靖大水夜至黃井村民有全家漂沒者○四十年龍溪南靖春夏旱穀貴○五月有星犯月○四十一年又旱○四十二年夏大水高三丈餘壞龍溪南靖民田千餘頃及南橋趾俱崩漂流民居百餘家○四十三年六月南靖縣北大帽山鳴三夜秋大水滄男婦五十餘口漂民廬二百餘區○是年長泰林前地方有三虎同山下山噬一家男婦七人○四十四年南靖永豐里兩雹大如鷺卵折樹碎瓦人畜俱傷○二月初六夜詔安東北城上鋒尖出火○四十五年三月十二日黑光摩盪自辰至巳○十月南靖縣後窟院前阡

坵等處池水滾起尺餘○詔安五都自七月不雨至于
來春二月井水皆竭○隆慶元年正月二十九日平和
地震○二年三月十七日海澄有黑雲挾龍自八都東
方起捲屋裂瓦火光倏忽燒燼苗蔬古塚棺柩亦有擊
移者至港口而滅○九月梁山鳴○十月漳浦五色雲
見○三年至四年連歲大熟米斗值錢二十文○四年
夏六月初六日龍溪漳浦長泰南靖平和五縣烈風暴
雨洪水漂沒民居不可勝數郡南橋壞○七月初十日
長泰良崗石高二山鳴五夜乃止○十二月十七夜南
靖星隕鳴如雷○萬歷元年六月二十四日夜月港橋

火燒店屋百有餘間橋板俱拆○六月旱○是年南靖
程溪民歐氏生兒六手隨死○五年八月有星見于西
南其狀如帚長數丈月小盡漸滅○六年十一月長泰
雨雹○七年漳浦大饑修城籍饑民爲夫廩給之○九
年五月二十四日有龍起于十一都廬州渡江至雲洞
而止禾稼損傷而無風雨○十年五月漳浦大水高丈
餘○十八年四月穀貴城內外饑民聚衆搶掠大戶數
十餘家知府李載陽名兵緝捕逾三日乃定執倡亂者
磔于省獄○是月初十日長泰雨雹大如鷺卵○六月
二十一日大風自卯至辰吹折東門北門二樓拔木壞

屋不可勝數○是月南靖大水○二十年長泰大雨雹
小者如卵大者如拳○二十一年四月初九日申時雷
震府文廟及明倫堂○二十三年七月十九日二十日
大風雨潦壞民廬舍漳浦銅山發屋拔木○二十五年
春遍地生毛八月二十八日溪池自湧水溢數尺各縣
俱同○二十六年正月十六日淨衆寺前火藥局井中
藥自生火爆發震劈旁居男婦二十七人至有飛骸數
里外者房屋碎壞百有餘所聲聞百里○三月海澄火
○六月二十日平和縣東廂外陳孫家雷震適幼孩在
轎中轎飛出屋外打碎孩跌地尚存○二十七年六月

海澄火○二十日平和大蘆溪洪水突出漂沒田廬人
畜無數○二十八年閏二月十二日詔安地震○八月
二十三夜戌時地大震異常是日詔安尤甚壞城垣南
灣城亦圯至數十丈二十四日酉時又大震○二十九
年九月二十二日大水壞新橋○十月十一夜戌時地
大震子時又震至五更有星變如雨○三十一年八月
初五日未時颶風大作壞公解城垣民房是日海溢堤
岸驟起丈餘浸沒漳浦長泰海澄龍溪民舍數千餘家
人畜死者不可勝計有大番船漂衝入石美鎮城內壓
壞民舍○十一月初九日地大震有聲連震二十餘日

至十二月初乃止○三十二年八月海澄三都地震○
三十六年正月疫起至于五月○五月漳浦地大震地
上生毛○自三月不雨至于六月人凋米貴○三十九
年六月二十日慶雲見于郡城西北五色彌天移時乃
散○四十年十月初二日詔安地震○四十一年二月
漳浦東關外憲臺里井鳴數日聽之如水車之聲○五
月二十六日大水龍溪漳浦南靖詔安民田廬舍漂損
甚多城南新橋壞○四十二年六月長泰大水○八月
初五日大風雨飛瓦拔木西南北三溪洪水漲田廬櫬
柩多漂入海○是年漳浦饑知縣區龍楨發糶賑粥○

四十三年四月米價驟湧村落絕糶海澄知縣陶鎔發
賑饑民○四十五年六月大雨連日不止西北二溪水
漲城垣不浸者僅尺許城外沿溪海澄等處民舍悉漂
去溺死者不可勝數先數日有鳥一足狀如鷄跳舞於
澄之吾養山蓋商羊也○四十六年七月長泰雨雹大
如拳屋瓦盡碎大樹中斷如斧斫者數里○八月有白
氣起于海上東方狀如腰刀至仲冬乃止○泰昌元年
四月東方有氣長竟天○六月有日如並出者三尋滅
○二年郡城南門外火延燒入城至龍亭庫前乃熄○
四年郡城內外遍地生白毛南隅居民有母猪生子形

似小兒瞬息而死。○是年漳浦大旱。○六年夏大饑長泰米斗四百錢饑殍載道邑人戴旋發積粟平糶。○八月大風飛沙拔木鳥雀多死。○七年龍溪漳浦海澄南靖長泰大饑。○六月海澄有大星從縣南飛向西而墜火光散亂數星隨之。○崇正三年七月十五日龍溪南靖大雨如霖翌日洪水至漂流廬舍甚多。○四年四月海滄降赤雨。○五年三月十四日晨有二啓明並起相聯至十七日乃止。○七年七邑大熟。○六月郡城外南橋火。○十月地震。○八年五月初四日漳浦南溪競渡民擁觀于城樓迅雷突起震死者十有四人。○九年六

月太白經天。○八月詔安大風壞民屋。○十一月大雨雪積冰厚一尺半羊草木多凍死。○十二年四月廿三日漳浦星隕化爲石銅山有石水中起行五十餘步。○八月十五日南靖龍溪大水。○十月初一日又大水禾稼登場悉被漂去。○十三年正月朔日食。○閏正月大雷連陰至三月朔乃止。○八月漳浦雨白豆于西宸嶺鷄犬食之斃。○是年郡城火大疫。○十四年八月廿六夜東橋下營火延燒二百餘家。○是年冬詔安有芒星數十擁一大星自東起墜於西有聲如雷。○十五年七月府前火八月十四夜月明如晝半空有聲如大鳥號

鳴視之無物。國朝順治二年六月朔日食既白晝如夜。三年五月初三日太白晝見望後乃隱。是歲漳屬冬。五年各縣大饑米價每斗銀六錢。六月雷燬郡城文昌閣。七年大饑。十二月二十六日寅卯二時各縣地震。九年正月潮水突漲五尺鄭成功入海澄。是歲漳城被圍城內人相食斗米直銀五十兩圍解收顛骨得七十三萬疫大作死者無數。十年九月漳浦大水雲霄將軍大臣二山俱崩。十一年旱。冬大寒隕霜不殺蟲。十二年二月二日日有三暈狀如連環。十

三年正月漳浦大雪高二尺。十八年南靖有白燕雙集文廟飛鳴數日。

康熙三年九月彗星見于長泰西方漳浦詔安大饑餓死者相枕藉嬰兒皆棄于路。四年四月長泰饑時米貴加以遷界諸縣餓莩僵屍相望于道。五年六年連歲大熟自此米價平至二十餘年。七年五月有星見于東方形如劍。六月十八日七邑同時大水官報田廬淹沒災傷者察免。是日南橋壞郡南水高與城齊。九年六月龍溪大水。八月郡城北隅有婦人產子手如猪蹄生背上。是年漳浦旱。十一年至十二年長泰

多虎踰垣入室八里內吞噬者千餘人○十三年三月
開元寺大佛頭無故自落如刀斷○十四年三月彗星
見○九月二十夜有大星如斗墜南方衆小星隨之○
八月十五夜詔安颶風忽起大木盡拔民居屋瓦飛去
○十五年十月彗星見光芒丈餘經旬不滅○十七年
龍溪有白氣二道見北方十餘日乃滅是夏大水○十
八年七月朔漳浦泮池龍起滿城光艷○十九年彗星
屢見夜昏有白氣見東南○二十二年四月平和大雷
雹平地倏積尺餘屋舍田禾多爲所傷○二十三年正
月梁山鳴○二十四年六月水圯郡城南橋沿海一帶
禾稼多壞○二十五年閏四月十二日夜大雷雨郡城
震死者八人○雲霄有土圍二十餘家夜水驟至圍圮
屋架連結不散漂至十餘里遇竹林共挽係之竟得救
不損一人○二十六年雲霄陳五妻一乳三子俱育○
是歲各縣大熟米值錢二十文○三十年十一月二十
夜雷大震○三十三年大水郡城南橋一帶民居盡沒
○三十五年四月梁山祥雲見○三十七年春夏米貴
漳浦知縣陳汝咸請發倉平糶○四十年大旱各縣禾
苗盡枯○平和瑄溪龍起見黑雲上下相合中有幽隱
見蟠屈飛舞風雨大作頃之黑雲上騰溪前後十餘里

水盡涸人畜或飛墜他處惟禾稼不傷○四十一年又
旱登高不見青草五月乃雨○四十二年七月廿七日
龍溪有慶雲見于西方五色俱備移時乃散○四十三
年詔安江畝坑村民黃平一產三男○四十四年詔安
春夏大旱溪河井水盡乾民食草根木葉○六月平和
驟雨傾盆近郭之山皆化為灘漂去二十餘人○九月
詔安大水暴漲山田多崩陷○四十六年六月漳浦大
水壞縣城東角自南門以至雲霄等處廬舍漂沒不可
勝計知縣陳汝咸分賑難民葺城是日雲霄鎮城崩至
四十九丈○四十七年八月朔日食既○四十八年春
南靖有雙白燕飛繞學宮○夏大風貢院毀○四十九
年大旱民多饑死者

皇

上欽差部院大臣發漕米三十萬從海運分賑漳泉福興
○五月海澄一帶海溢○閏七月初五夜漳浦海水暴
漲颶風大作漂沒民居一千八百五十餘間溺死男婦
四十一人布政司金培生知府魏荔彤知縣汪紳文各
捐金收卹之○五十年七月十八夜地震各縣同九月
又震○十二月龍溪雨雹○五十二年四月廿七日各
縣大水南靖尤甚沿溪田園盡沒○十二月二十日邵
城外南橋火知府魏荔彤捐木植重修之○五十六年

四月二十七日龍溪大水田裏港岸崩按港岸崩壞則南河從田裏港直下而詩浦港繞城之水不復。五十七年四月詔安環抱有閩郡治形勝故特紀之。大雷雨江畝坑有四童被雷震死一童攝去數丈之外絲毫無損秋大風雨河水暴漲平和城壞西北隅百餘丈冬十月漳屬蟲食禾稼殆盡獨平和不爲災。五十八年夏平和麥秀兩岐是年長泰石銘里高層等處羣虎爲患噬百餘人。六十年夏海澄地生白毛。十二月詔安兩雹小者如米大者如豆。六十一年五月十五日雷震府學大成殿。

雍正元年夏詔安大雷雨有怪物在東南海中湧起黑雲

一道所過瓦屋飛碎樹木振拔壞東北城樓北門池水盡涸池魚飛至良峰山頂是夜大雨如霖。二年南靖浮山居民劉照家一產四男僅育其二。是年五月初十夜長泰颶風大作早禾僅存空穗兩壞田廬無數。八月初八日南靖大水淹過文廟半壁。三年六月廿七日長泰大雨水淹過東南城牆視康熙五十七年更高三尺沿溪廬舍盡衝決。八月復大雨平和南洋粗溪大峯村落悉淹沒死者甚衆。四年漳屬大饑斗米貴至三百錢民多採樹葉以充食。五月南靖大水城垣衝決若干丈沿城馬道悉崩壞。五年漳屬大饑鹽

亦騰貴人有餓死者。六月長泰大水田禾盡漂沒。是年八月南靖大水有颶風從東南角起明倫堂棟瓦騰空直上數尺壓訓導張芳浦夫婦其下越二日水退揭開視之安然無恙咸以爲異。七年二月長泰雪積數尺畜多凍死。八年七月南靖大水中興社衝壞堤岸百餘丈廬舍田疇沉沒以千計。九年八月南靖復大水衝壞田廬無算城西北角崩頽五十餘丈淹壞倉粟四千餘石。九年八月初四夜龍起龍溪壺與大風拔木壞民居無數行人有被風挾過溪者晦暝中見火光熒熒然。九年九月廿二夜地震。十年四月初四

日雨雹大如卵長泰尤甚。八月水。十二年正月十四夜長泰縣後山檟樹自焚良久火乃滅。

乾隆元年正月二十六日雨雹秋九月星隕于長泰西南隅白氣如雲經天不散。二年龍溪龍江里人陳茂椿家盆荷一根開花紅黑色又有一花而紅白間者。是年長泰恭順里東溪池荷花俱並蒂。八月詔安有虎患。五年長泰十一月二十七夜有星墜東方光芒有角二十八夜東郭火延燒城樓及市廛百七十餘間僅存龍津橋天后宮一座。六年春旱米價騰貴。十一月南靖有白燕雙巢馬坪許氏家廟明年許本巽登進

士第○七年旱正月至四月不雨歲大饑○九年正月初十日長泰石銘里溪中水噴巨石自裂聲如雷○十二年旱自八月至明年三月乃雨長泰尤旱田禾盡槁○是年五月海澄大巖山鳴○十三年春旱至秋七月乃雨○五月初三夜烈風迅雷長泰五里亭棟瓦皆傾石碑盡仆榕樹大可數十圍亦拔起○十四年四月初一日地震○是年大稔○十七年三月二十九日龍溪大雷雨同時震死者數人○七月大水田廬漂沒行船自相擊碎海澄沿海船盡漂沒浯嶼浮屍甚多○十八年海澄大疫人畜死者無數○是年漳浦大水○十九年閏四月十八日風雨大作南靖平和尤甚海澄西南二溪水驟漲數丈淹沒廬舍四千八百五十餘間人畜損傷甚多○五月復大水龍溪民廬半漂沒漳屬七邑俱被災奉 文賑卹○二十二年春大旱田無播種○二十三年復旱河渠皆涸詔安漸山出火光焰燭天逾時乃滅○二十八年七月二十日酉刻有大星從東而墜及天半分爲數星隕如雨少頃有聲如雷是秋霜隕禾穗歲大饑○二十九年春正月平和大雪是歲稔○三十年夏旱○三十五年大水漳浦海澄尤甚潮水衝決沿海堤岸數十處詔安山邊村黑雲騰起溝水沸數

丈須臾淋雨驟至。○平和田禾有一莖雙穗亦有三穗者邑人稱瑞。○三十六年七月初一日長泰恭順里角人磴村地裂一家二十三人盡沒焉村在山腰先是十餘日村民隱隱聞地下聲僉惡其不祥朔旦具鷄黍祀神禳之傍晚而陷時有牽牛入室牛忽斷繩而奔男婦共逐之尚一孩坐室啼婦返抱出之一家俱免又一人提鷄黍向鄰村饋並免在鄰村遙望該處有圓光如毬從山峯墜俄聞崩陷聲反視之則一村盡沒十尋之樹沒不見其杪經府縣履勘約寬三十丈長三里許。○三十八年春三月雨雹。○六月早稻穗兩岐是歲稔。○三

十九年正月元日申刻漳浦西北有聲如雷隆隆然震山谷是秋雲霄鎮起蛟九月旱風傷瓊禾。○四十年正月元旦漳浦天雨泥如鳥糞。○四十一年五月廿一日大水郡城南門水驟湧一丈餘南橋衝圯南靖平和皆

被災

寇亂附

○唐高宗儀鳳中廣寇陳謙等連結諸蠻攻漳潮等處左郎將陳元光討平之。○中宗景龍二年潮寇雷萬興苗自成之子集眾潛抵岳山刺史陳元光討之步兵後期為賊將藍奉高所刃卒于綏安大峙原

萬歷志載開元間與流寇陳誠

戰死今從浦志及陳氏家譜

元宗開元三年守漳州刺史陳珣率

師襲破藍奉高賊峒斬之俘其餘黨珣元光子。僖宗光啓

元年王緒攻陷汀漳二州

○宋高宗紹興十四年汀賊華齊寇漳州長泰安撫司遣

兵捕賊為所殺將佐趙成等起兵拒之。十五年四月

遣後軍統制張淵討捕福建廣東盜賊平之。十八年

流寇劫長泰邑人蔡君澤糾聚鄉兵保石高寨賊攻寨

君澤率兵擊破之。孝宗淳熙十三年草寇楊勅等五

百餘人突入長泰縣民居宮舍秋毫無犯繼是有華齊

寇聞諸朝命韓總管追捕俘以獻又有鹽商廖官沈射

等寇俱降之。五年汀寇陷長泰焚燬民居殆盡。理

宗淳祐四年鹽寇掠漳浦議築城不果。度宗咸淳二

年有寇由鷓鴣劫洋山遂攻長泰城縣令陳春伯率兵

三百餘人夜擣賊營磔其首餘眾潰散。恭宗德祐二

年八月漳州亂以陳文龍為閩廣宣撫使討之尋以黃

恠為同提刑招捕使兼知漳州以文龍知興化軍

○元太祖至元十七年八月劇賊陳吊眼陳桂龍陷漳州

殺招討傅全萬戶府知事闕文興死之妻王氏赴火死

既而唆都來討吊眼出走陳桂龍逃入番洞。十八年

十一月獲陳吊眼誅之餘悉收兵仗繫送京師。十九

年

漳州府志 卷之四十一
年征蠻完者都平陳吊眼賊巢陳桂龍及吊眼父文桂
納欵命護送京師餘黨吳滿張飛拒敵誅之。二十年
流桂龍於愍答沐之地。癸丑志至元十七年陳桂龍
據漳州後至元十八年勅誅汀漳首惡陳吊眼十九年
完者都平吊眼巢二十年流桂龍於愍答沐按元史順
帝至元六年改至正則後至元無十八十九二十年也
揭文安雙節廟記至元十七年八月望劇賊陳吊眼率
衆爲亂殺招討傅全知事闕文興戰死則吊眼爲前至
元無疑癸丑志誅吊眼流桂龍並繫於後至元謬矣今
悉討正首吊眼誅元惡也。二十一年二月漳州盜起

命浙行省調兵進討。二十五年循州賊萬餘人寇漳
浦泉州賊二千寇長泰賴番賊千餘人寇龍溪皆討平
之。三十六年番賊邱大老集衆千人寇長泰福州路
達魯花赤脫歡同漳州路總管高傑討平之。十月廣
東賊江羅等寇漳州。順帝至元四年南勝賊李志甫
作亂。六年義士陳君用起兵襲殺李志甫三月赦劉
虎仔以下挾從之罪褒贈軍將死事者。至正五年賊
萬貴與嘉禾千戶何迪立寇漳圍長泰天成寨邑人蔡
淳攻破之。十四年汀州賊寇長泰。十七年四月汀
漳叛賊廖得勝伏誅。十九年南勝番寇李國祥合潮

賊王猛虎陷南詔新翼萬戶羅良率兵討敗之復南詔
 ○二十一年西林賊陳世民入寇漳浦總管羅良攻之
 世民奔潮良追之其黨殺世民以降○二十五年三月
 泉州賊二千人寇長泰縣尹蔡淳討平之既而循州賊
 萬餘寇漳浦○二十六年陳有定陷漳州總管羅良死
 之○二十七年山寇蔡子貴竊發于長泰邑人築寨石
 岡山以避之

○明正統十一年饒賊千餘人流劫入漳四月焚月港義
 士陳孔叶率眾拒之殲其魁賊悉遁○十四年沙尤寇
 鄧茂七倡亂其黨楊福率眾數萬攻陷漳浦南靖長泰

圍漳城漳州衛指揮顧斌大破之保定伯梁瑤都督范

雄擒殺漳民應賊者既而賊圍南詔八閱月蒼民涂膺

許尚端等嬰城固守却之

茂七沙縣之輿皂也與弟茂八以左道惑眾愚民從者數

萬偽稱羅平王尋逼漳境漳民張福榮會欽重陳皓蔡孟貞等應之遂陷諸縣○宏治四年漳

平賊溫文進陷長泰副使司馬聖督兵討平之○十七

年十月有賊百餘人詐稱公使入南詔城殺傷甚眾擄

七十人以去○正德元年廣東賊寇漳州始至不滿九

十人後依附日眾自南靖流劫長泰安溪永春長泰被

害尤甚○二年山寇朱廷瑛流劫漳浦雲霄等處○八

年蘆溪賊反南贛汀漳巡撫王守仁合二省兵討平之

指揮覃桓漳浦縣丞紀鏞戰死先是汀漳山寇憑險為亂守仁至先行十家甲
法講鄉約以訓勅其父老子弟賊聞而易之左右及麾下多為賊耳目守仁得老隸最黠者一人置密室脇之隸逼盡吐情實守仁貫其罪每事示以不可測或擇吉出師輒止或將發不果蓋以多方誤之也未幾破賊於長富村追至象湖會閩廣兵至且合賊逼潰圍出指揮覃桓縣丞紀鏞戰死諸將懼請俟狼兵守仁怒曰小劉何損且兵豈不足耶乃進屯上杭既至日犒師諭以俟秋再舉謀賊懈分兵三路同夕銜枚疾走中軍奪象湖之隘方大戰奇兵乘間發遂大破之斬大酋詹師富等守仁復奏巡撫權輕不足控壓乞假便宜行事兵部尚書王瓊贊之于是守仁益展材用立兵符申約束且為文撫諸賊詞旨悱惻懇至賊酋黃金巢盧珂鄭志高等相率皈命已遂遣兵破橫水賊擒其大酋謝志珊使諭降賊方狐疑未決乘其懈襲擊復破之擒大酋藍天鳳等時淵頭賊尚強其酋池大鬢尤桀黠故與降賊盧珂鄭志高讐守仁使諭降大鬢以二人為辭守仁乃佯責珂等下之獄復諭使來見大鬢語其腹心曰欲得伸必先屈願州使爾我亦欲先勸之遂以其說勇九十

二人褻甲來守仁為慰諭宴犒使更新衣習禮供帳甚設大鬢等魚貫入僂之庭無一脫者出珂等使為嚮導夜半破淵頭石門覆其巢擒斬無算餘奔九連山守仁以九連山深險不易攻使精卒七百衣賊衣佯若奔潰者從崖上招呼與相應久而賊覺則師已度險狼狽失據大軍蹙之皆就縛守仁既已盡得賊地乃相險要增設平和

○嘉靖二年廣東汀漳賊流劫漳泉兩郡合兵戰于安溪霞村漳州通判施福泉州衛經歷葛彥俱為所獲以金贖回長泰知縣歐典與賊新大總戰於旌孝里長埔坂喪其家兵四人○三年十月廣東汀漳賊復寇泉之永春御史簡霄檄按察司僉事聶珙督同南安知縣顏容端德化知縣梅春安溪知縣龔顯永春知縣柴鑣同安典史周惟會龍溪知縣黎良等合兵追賊至

德化大破之○七年北溪妖賊黃日金倡亂知府陸金乘其未發計擒滅之○十二年山寇蹂躪漳泉之交海澄沙坂人周王質率民兵與戰敗之乘勝深入力戰死○二十五年詔安白葉洞賊陳瑩玉劉文養反寇閩廣二省南贛軍門檄平和知縣謝明德率典史黃瑜詔安典史陸鈇以象湖小篆鄉兵討平之○二十六年佛郎機番船泊浯嶼巡海道柯喬知府盧璧龍溪知縣林松發兵攻船不克時漳泉月港賈人輒往貿易官軍還通販愈甚總督閩浙都御史朱統屬禁獲通販者九十餘人行柯喬及都司盧鐘就地斬之番船乃去喬鐘尋被論皆擬重典郎中陸穩奏釋之盧璧以改調○二十八年有倭寇駕舡揚航直抵月港安邊館去

壯士陳孔志授檄往援乘巨艦直當其衝中炮死倭亦

隨遁漳有倭患自此始○二十九年贛州洞寇李文彪等作亂

漳州府通判謝承志率兵禦之中途為其所獲既而得釋○三十四年二月初五日夜監犯吳天祿反焚府堂經歷照磨檢校官房六房科卷宗悉燬天祿斬東門出既而獲于廣東大埔斬之○九月長泰縣訛言兵至男女驚竄一城為空○三十五年十月倭寇自漳浦六都登岸屯任後江頭土城流劫詔安焚掠無數○三十六年六月海寇許老謝策等突至月港登岸焚燒千有餘家殺擄無數○十二月倭船泊浯嶼尋出潮州澄海界

登岸襲陷黃岡土城劫掠詔安○三十七年三月倭寇自潮州突至詔安劫三都徑尾○五月劫五都東坑口土樓遂寇漳浦盤陀長橋○是月賊船有由滄泉奄至月港者焚九都室廬殆盡奪舟出海○十月突至銅山攻水寨上至漳浦六都埔尾土圍下至詔安城外惟東坑畚一帶焚劫尤慘百戶邵惟忠督兵遇于深田擒倭四人斬二人既而海寇謝老洪老即洪迪珍等誘倭二千餘人再泊浯嶼○三十八年正月倭寇由島尾渡浮宮直抵月港奪舡散劫八九都珠浦及官嶼等處復歸浯嶼○二月有倭寇數千自潮州掠詔安雲霄漳浦○三月

由東厝嶺抵月港八九都轉石碼福許東洲水頭奪舟流劫隨至長泰善化里○四月薄縣城知縣蕭廷宣率衆禦却之○八月由龍溪天寶市入南靖九月屯永豐竹員所過各縣焚劫殺掠不計既而至平和清寧里知縣王之澤率兵禦之○三十九年正月倭寇由同安屯三都二月渡江流劫方田漳浦佛潭橋峯山溪南等處○三月突入長泰高安四月五月屯月港○五月饒賊張璉僭稱偽號衆二千餘襲陷雲霄城城中爲墟○六月詔安三都溪東民鍾宗桓等爲亂知縣龔有成撲滅之○九月饒賊陷詔安二都赤嶺寨○十一月饒賊蕭

雪峰犯南靖縣知縣殷伯固率兵與戰遁去時各處共
被倭饒殺掠草寇乘風竊發郡無寧土○四十年正月
月港二十四將反巡海道邵榷遣同知鄧士元縣丞金
璧往撫之先是丁巳間九都張維等二十四人共造一
大船接倭官莫能禁戊午冬巡海道邵榷發
兵勦捕次于許坑維等率眾拒敵官兵被殺由是益橫
各據土堡為巢張維據九都城吳川據八都草坂城黃
隆據港口城旬月之間附近效尤各立營壘九都有草
尾城征頭寨八都有謝倉城六七都有槐浦九寨四五
都有方田溪頭浮官霞郭四寨互相犄角各有頭目號
二十八宿三十六猛官府為倭饒亂故屢招之竟不服
是年春再議發兵撲滅榜示遠近諸寨轉相覈結乘輕
躬入鎮門以拒兵衝進薄東山水頭等處攻破虎渡城
殺掠尤慘又攻田尾合浦漸山害甚于倭南溪荆棘梗
用以賊攻賊之計遣金幣招致洪迪珍倭眾由陸路經
詔安漳浦取道漸山進擊八九都戰于草坂城外倭敗
走死者無數郡城戒嚴復令海防同知鄧士元龍溪縣

丞金璧往撫之諸反側稍安至四十三年張維等復叛
巡海道周賢宣檄同知鄧士元擒解軍門斬之自是設
縣之議○二月饒寇突至詔安縣北門總兵俞大猷督
起矣

師勦捕副千戶許瀚陣斬其偽將詹總兵等賊鋒披靡
瀚論功陞銅山寨欽依把總○是月倭寇屯詔安溪東
三都土橋等處知縣龔有成召民兵與戰被殺六十餘
人自三月至五月住東關外分夥焚劫十月屯下尾圍
後溪寨有成發兵助其死守二十日乃解○是月倭寇
流劫長泰人和石銘等里至五月乃去焚殺不計○五
月南靖土賊流劫漳浦攝縣事同知鄧士元平之○是
月倭入漳浦嶼頭張璉陷檮嶼○閏五月十二日夜饒

賊襲陷鎮海衛城殺掠官軍男婦無數衛東門外有石其形如狗舊有識云東門開石狗吠金鷄啼賊又來故常閉東門不開另有一水門是年賊從小門入其日辛酉辛為金酉為也鷄○六月海寇同橫洋賊逼長泰城勇士林周夫等突

入賊營砍其旗城中居民乘之賊眾奔潰○是月二十日夜南靖有奸民王叔統等潛引饒賊攻城知縣殷伯固廉其狀先擒之賊知有備宵遁伯固尋改調去○八月二十三日夜饒賊張璉襲陷南靖縣執攝縣事龍溪

縣丞金璧奪釋之○是年龍溪二十三都并海滄石美烏礁等處土民俱反○四十一年正月東莞兵謀襲漳城時寇亂相繼有東莞叛兵密誘饒賊陷漳投參將楊縉麾下因牙兵重賂于楊名之入城夜閉城中

柵門嚴禁民間來往將為內應謀漸露一郡惶惶有庠生曾廷龍詣寺館諸兵執而鞭之府學生呂果率諸生白其事于巡海道邵榘謂此曹反形已具不撤危在旦夕仍與縉紳約保率同甲踐更守陴燈光如晝饒賊知有備不敢薄城越數日清明漳俗男婦登壘祭掃道經南郊東莞兵掠婦奪簪鄉兵格殺之餘各散去○

是月饒賊至漳城外巡海道邵榘調月港兵與戰不利賊屯東山流劫至北溪武舉林以靖督鄉兵禦於沙川力戰死○二月張璉合倭掠漳浦知縣龍雨築敵樓固

守賊發城外塚掘骸勒贖焚掠無算○三月初三日饒賊復入南靖縣城散劫村堡有生員陳一德罵賊不屈死未幾張璉遁回賊巢總兵俞大猷遣千總游瑞清副

千戶許瀚計擒之○六月海賊許朝光犯懸鐘陸鰲陸

鰲所鎮撫楊勳禦却之。十月倭寇圍詔安縣知縣龔有成禦却之。廿二日海賊吳平引倭寇襲陷懸鍾所千戶周華死之。是年冬饒寇陳紹祿犯平和。四十二年海寇許朝光自銅山登岸攻詔安番安堡殺擄六百餘人。四十三年二月參將戚繼光大破倭寇于蔡陂。賊自仙遊流入漳浦湯坑眾數千人預設伏于蔡陂繼光至猝然蠡起兵為小却繼光立斬退縮者數人身自督戰賊大潰斬首三百餘級官兵戰死八十餘人立忠勇祠祀之。繼光紀律嚴明每出人莫測或解甲犒師方與所在當道歡飲忽從間道急趨賊驚以為神或圍孤城亟父老扶攜登望女牆黃髮兵旦暮且至見遠烟數點隱隱似旌旗狀忽炮響則賊已狼戾死散官兵業抵近郊大破之矣。平倭平寇繼光之功與漳終始時人為語曰：俞龍成虎殺賊如土，俞蓋指大猷也。既而劫詔安點燈山白葉洞。

百戶鄧繼忠擒其首法咬佬吃佬等有掠東西沈者知縣梁士楚遣家兵與千戶張鳳翹擒斬之。五月吳平假以招撫為名入據詔安梅嶺堡。四十四年春吳平入詔安梅州土城破後港六月圍詔安縣燬木柵知縣梁士楚禦却之。巡撫汪道昆命戚繼光刻日進討賊縛其梟黨陳縉卿獻于師。諸軍夜從間道夾擊大破之。賊遁入南灣繼光追擊俘斬萬五千人平潛逸去舟師追至交趾洋而還。四月撫按會南贛兵檄巡海道周賢宣督同知鄧士元參將王如龍勦龍頭寨賊首曾東田馬元湘等滅之。改其寨曰殺狐嶺。四十五年五月賊

首林道乾自走馬溪登岸散劫詔安十月總兵戚繼光

督閩廣兵勦滅之。隆慶二年賊首曾一本自泊浦灣

登岸流劫詔安等縣九月南灣副總兵張元勳由陸路

截殺于鹽埕又大敗之于大牙灣前後斬首六百餘級

道乾一本皆吳平餘黨。三年五月曾一本合倭寇泊舩于雲蓋

寺柘林等灣賊勢甚盛六月閩廣軍門會兵勦滅之邊

境始安倭禍自嘉靖二十八年起至隆慶三年止凡二十餘年。五年六月廣賊

楊老等泊南灣月餘謀犯閩地僉事梁士楚督海防同

知羅洪辰率兵追捕之。萬歷十一年四月奸民吳雙

引等謀襲漳城會久兩城東南隅圯數丈賊以為天助乃積芻府前涂蒿家約舉火為號其

黨潘國佐等裝器或南河舟中候城中火起緣頽垣入

有黃疆者素德于謝氏私語其故謝固要疆首于指揮

甘霖霖密遣廝養士伺涂蒿家前後環守亟詣署府推

官丁此呂督捕同知沈銳告變搜獲雙引等八人指揮

督兵登陣嚴閉諸柵國佐等見城上不舉火知事泄各

逸去次日悉捕獲之并其僭書偽號名冊巡海道徐秋

鶚分別首從斃之獄餘黨日布訛言城中惶

懼者兩月秋鵠廉首孽真諸法訛言始息。十九年

七月奸民董公蔡楊中謀襲長泰縣先是公楊中等修

至是謀乘夜襲城隣人蔡炳密偵之白其事于知縣李

學詩捕楊中等一鞠盡服適延平推官羅心堯以行部

至泰再訊具得其實邑同謀者滿紙心堯密諭邑令捕

其素無賴數人與楊中等俱解府郡守李載陽笑以為

時當承平何物狸狸敢窺我金湯百二乎反形未具宜

釋之學詩泣爭乃返諸賊繫之獄賊益肆無忌與餘黨

登城傷戍卒喊聲震地應者以非期不至賊斬北關出日午為鄉兵所擒當賊起時大司馬戴曜憂居聞變立起負劍入縣尋令及符篆所在戒居民無輕動第具器械謹守柵門以防衝突邑人從之及賊走令捕官督兵尾其後而遣人持酒食犒客兵使不得渡河故不移時而諸賊就戮○二十五年海賊無

齒老寇漳浦古雷把總張萬紀殲之○三十年呂宋殺中國人在其國者二萬五千海澄人尤多○三十二年

海賊周四老作亂詔安知縣黎天祚擒其二魁斬于城上賊遁去○三十四年漳浦庠生趙秉鑑謀襲縣知縣

黃應舉捕擒之○四十六年海賊袁八老劫詔安沿海村落既而就撫○天啓二年紅毛據澎湖由鷺門逼圭

與海澄知縣劉斯棟守計甚備賊退中丞南居益誓師

海澄直抵澎湖與戰悉遁去○四年詔安烏山賊麥有章沈金目寇縣城百戶易彌光率兵討平之官軍密拘附山居民

為嚮導偵賊糧盡復出設伏扼其歸路彌光○六年春冒險深入鄉勇翼以長戟勁弩遂蕩其巢

海寇鄭芝龍自龍井登岸襲漳浦舊鎮殺守將遂泊金門廈門樹旗招兵旬月之間從者數千所在勒富民助

餉謂之報水○四月芝龍遣賊將會五老泊海澄港五月遣賊將楊大孫大掠海澄蘆坑十二月自溪尾登岸

把總蔡以藩力戰死哨官蔡春單騎先突其陣諸軍繼之賊退既而寇九都圍學宮城學博李華盛烏紗奉

先師神牌登城退之時海澄邨落無幸免者○崇正元

年鄭芝龍由廈門抵銅山三月攻杜溝堡鄉紳邱懋煒

率眾拒却之未幾芝龍與李魁奇俱就撫芝龍授遊擊

至潮廣近海州郡皆報水如故同時有五月海賊周

三老由卸石灣直抵懸鐘城堅守不下遂流劫內港象

頭等處所過村落屠戮無遺○是年海寇楊六楊七等

百餘艘散劫懸鐘勝灣卸石灣等處焚兵船民舍殺戮

不計○二年六月撫寇李魁奇復叛寇海澄知縣余應

桂遣兵擊敗之時賊犯青浦應桂遣把總吳兆燦張天

港從中港犯龍溪許茂兆燦天威往援斬首十三級擒

五人八月犯龍溪福許石碼兆燦春獲其戰艦一哨官

賈希戰死鄉壯張宇移炮碎賊艦于海澄港哨官葉景

惠與天威擒其渠魁黃傑于中港總兵趙震飽賊貨出

傑于獄賊鼓棹沿普賢溪尾菜港三路並入舳艫相望

亦被傷衝鋒許界壯士張明俱戰死天威揮戈奮擊吼

聲如雷兆燦與其弟兆燦翼袁德襄廢縱兵大戰所向

披靡賊遁出港腰城及炮營擊碎賊艘○九月賊復寇

青浦壯士林瀚率眾禦之擒其魁轉寇漳浦白沙張天

威與吳兆燦往援夜行枵腹數十里猝遇賊天威力戰

死既而賊焚劫溪東西吳兆燦禦之斬首十四級焚賊

艦器械甚夥○五年四月海寇劉香寇海澄乘夜抵浮

宮知縣梁兆陽遣把總吳兆燦袁德合兵大破之賊樓

若雉堞我兵皆小艇賊矢石交下莫能仰視自夜至辰

力戰未決驍卒林行奮勇先登斬其魁賊交刃之鳥翔

而下墜小舟袁德再登眾繼之斬級○六年七月紅毛

四十有三生擒二十五人溺死無數

入料羅窺海澄境知縣梁兆陽率兵夜渡浯嶼襲破之
焚其舟三獲舟九既而巡撫鄒維璉督兵再戰再捷賊
遂遁。是年劉香沿劫詔安諸村落十月由卸石灣登
岸沿江焚殺直至懸鐘北城下。七年有紅毛番船泊
銅山及詔安五都地方焚劫甚慘官兵縱火焚舟悉斬
其酋無一人還者。八年遊擊鄭芝龍合灣兵攻劉香
于田尾遠洋平之。香漳浦人自辛未以來頻年衝突上
犯長樂下襲海豐銅山古雷游灣之
間出沒不常至是
勢蹙自刎而死。十二年十一月山寇李推李隨謀
襲漳浦署縣推官彭瑄捕擒之。十五年正月平和小
溪賊梁良率賊乘夜抵郡城南門是日巡按將閱操漳

州衛百戶徐廷棠督兵戰于南橋賊敗走沿途搶掠而
去。十六年四月漳浦山賊陳鸞邱縉等寇掠東山與
余五番薯八相繼出沒後俱為鄭芝龍招撫。是年詔
安山寇余五姐犯四都知縣所官督兵迎戰被獲武生
沈致一林惺南許和公俱戰死黎明縣眾合諸村精銳
徑搗文家寨賊營奪知縣所官以歸。是冬賊崔馬武
逼詔安城劄營西沈守陴者夜擒踰堞奸細梟之以示
賊解去。

國朝順治元年自元年至三年江南福王福建
唐王相繼自立漳尚未歸順。十月山

寇徐連陷雲霄遂攻漳浦縣時邑中乏令漳南道陳起
龍自郡移駐登陴守禦自

分必死裏衣皆用印符血戰累日賊死無數城賴以全
檄長泰知縣郁文初來署縣事而自回漳既而鄭芝龍
收其餘衆請降起龍堅執不可解
所著裏衣示之悉斬於南教場
是年賊葉積掠詔

安吉林西潭等處聞官兵急追道入廣○二年七月北

溪賊林拔順謀襲漳城先是守道陳起龍多善政及卒

樞吼聲不絕如磨遠近皆聞紉行軍民傾城祖送至赤

嶺昇三折衆異之百戶徐廷案跪請樞前曰老大人去

漳屢見神異得非城中有急變乎連擲六筭皆聖急回

郡遣卒伺緝城內外動靜忽元妙觀前見數十人各頭

插茉莉花一枝耳下者曰聽說時已至何未動卒急報

官閉諸城門捕獲訊之乃知賊謀王舍為內應也舍故

宦家子通判嚴御風託在拜即其家擒之

百姓立斃王舍陳尸於市賊知事泄道去

八月饒寇

逼詔安土寇應之官兵禦賊於章朗埔即漳潮

司舊址殲之○

三年 大師入漳○是年四月賊夜襲破詔安縣殺唐

王所署官有陳習山胡仲慥者各帶丁壯赴援賊墜城

道○秋九月我兵由漳平北溪入漳城諸縣各以次歸

附○是月鄭芝龍降子成功遁入南灣成功芝龍微時

生芝龍既貴倭歸之尋歸其母唐王據閩芝龍封侯加

大師既而密謀歸欵我師至泉成功母死于兵自以向

受唐王恩厚出入宮中賜國姓且母死非命故終無降

意芝龍既降成功逸去與所善陳輝張進等收芝龍散

卒于南灣尋泊鼓浪嶼附

者日衆卒為沿海大患

○鄭彩鄭聯據廈門沿海銅

山古雷游灣等處悉為寇穴○四年二月漳浦佛潭橋

民奉庠生楊學臯為帥陷漳浦知縣許國楠投井死越

五日郡遊擊唐欽明都司郭秉誠往平之○是月鄭成

功鄭彩寇海澄賊將王來破九都學城叅將田爵禦之

焚橋而守知縣吳治臣自漳回賊要殺之漏仔洲副將
王進自郡赴援夜開西門架棧飛渡繼入學城賊皆熟
睡盡殲之既而擊賊于南門附殺其前鋒將洪致賊阻
閘水多溺死成功遁去○十二月漳浦土賊黃春召僧
道贊寇縣城遊擊唐欽明擊走之又敗之于楓林土坑
龍洞寨未幾寇西嶼白沙為大灣鄉兵所殺○五年春
詔安大饑借名起義者殺防將馬守惠正月陷詔安二
月賊首江警庸黃朝陽圍南陂堡民林朝翊率族人固
守賊解圍去○三月許祚昌圍漳浦遊擊唐欽明禦之
援兵至乃退祚昌浦人明太僕卿○四月沈起津圍漳浦遊擊唐

烈云○是月海澄守將赫文興質其子于成功結為內
應○九年正月鄭成功大舉入漳至海澄赫文興開城
納之知縣甘體垣不屈沉于海遣將分徇各縣以上中
下為餉額酷拷富戶○是月賊將甘輝分兵攻長泰知
縣傅永吉嬰城固守死之先是崇禎末知縣郁文初製
器械甚夥永吉悉發以擊賊賊死傷殆半乃復益兵運
大炮攻城城幾陷會副將王進與建寧王總兵高副將
來援搗其背賊稍散我兵入城合圍如故發炮塌城二
十餘丈進永吉親當其鋒且戰且築永吉中炮死三月
六日昧爽賊發地炮城垣磚石皆飛忽西風大作磚石
飛起者反吹擊賊賊死無數城中官兵乘之會總督陳
錦援兵至同安賊遂拔營○三月總督陳錦兵敗于江
霄遁凡四十九日圍始解○東賊遂圍漳州四郊居民入城各依所親城門堅閉

之敗也其奴庫成棟刺之○五月浙鎮馬逢知來援入漳

城時號金衢馬賊議築鎮門截溪流灌城堤不得合旋

罷城中被圍日久斗米直五十金食人炊骨死者七十

餘萬人○九月固山金礪援兵至泉鄭成功解圍屯古

縣地名在城南十里○十月朔日固山金礪大破鄭成功于古

縣是日西北風大作賊發火箭火炮皆反風自焚潮漢

兵乘烟衝突賊大潰陣斬黃山陳倬廖敬郭廷洪承

寵皆巨魁也成功遁入海澄毀學城時諸村落逃

散復歸者室家俱破繼以瘟疫城內外幾無炊烟○是

月副總兵王進復漳滿賊黨在平和詔安者皆遁去○

十年五月固山金礪攻海澄填濠深入賊發地炮士卒

多死退還漳州鄭成功增築海澄城安大小炮三十餘

欽明禦之尋遁去還據詔安起津詔安人○六月雲霄

鎮守總兵王王之綱為潮寇所逼退歸漳浦盤陀嶺以南

悉為寇有○是月平和防將會慶尋引廣寇偽稱明永

退遁盤陀總兵王邦俊追破之遂復雲霄起倭西人既降賊始教之騎射成功甚任之○七年三月總兵王邦俊平詔安二都山賊

五月師還漳浦襲楊學臯大破之學臯降○八月鄭成功殺鄭聯於廈門并其軍○八年二月提督馬得功破

廈門四月鄭成功還據之○六月鄭成功入浮宮港掠

峩山總兵王邦俊兵敗于方田賊薄海澄縣三日始去

○十一月陷雲霄莆美參將包泰興死之遂陷詔安平

和二縣○十二月襲漳浦賊舊將陳堯策潛為內應囚

駐防副將楊世德知縣范進焚掠四郊偽參軍潘庚鍾

城中沿門索餉酷刑拷勸浦人比之前明倭尤兩寇為

號積糧草儲軍器以為持久之計○十一年正月有撫

寇之議鄭成功遣其黨散各邑沿鄉派餉凡數月漳及

興泉皆罹其害○十二月鄭成功入漳州先是千總劉國軒魏標潛

通成功十二月初一夜賊將甘輝洪旭等直至南門國軒開城納之總鎮張世耀知府房星葉俱降賊成功繼至各屬縣多迎降因籍城中及各縣富戶比餉然成功用法素嚴市肆不擾兵卒無敢淫掠者故城內稍安

○十二年春 世子王率大兵入閩成功度勢不支六月墜漳州及漳浦南靖長泰平和詔安各縣城時郡城民屋無

論大小俱拆毀浮木石於廈門所存者惟神廟寺觀而已○是年春賊將黃萬陷詔安溪南堡殺掠如洗○十二月總兵楊捷入漳諸縣皆以次恢復漳浦賊黨遁去獅頭城捷勦之民被其禍者

甚慘○十三年六月黃梧蕪明以海澄降梧平和人與明俱鄭成功部將梧與蕪茂陷揭陽為廣東平南王所敗賊將甘輝成功斬茂明茂弟也懼不自保乃俱內附賊將甘輝等率眾至則我師已先入矣輝焚中權關取倉庾以去城中蓄積皆為我有黃梧進爵海澄公駐劄漳州蕪明授哆李幾昂邦內大臣召入京師成功既失險要又喪軍實乃決計寇江南而漳民稍息○十五年正月賊將萬禮破詔安菁山磁竈等二十六寨堡赴援者未至皆為所破○三月山賊掠平和琯溪署縣事陳堯先遇諸塗為賊所害○十六年鄭成功寇江南兵敗甘輝萬禮等俱被擒精銳喪盡成功逃歸屯據廈門抽沿海居民

為寇○四月我師勦海澄小東山○是年詔安二都環沙寇江警庸等密結成功為內應知縣歐陽明憲合饒鎮總兵官吳六奇平之尋勦烏山賊巢擒其首蔡四○十七年五月將軍達素總督李率泰海澄公黃梧分督水師官兵出海門斬偽閩安侯周瑞漸迫廈門會東風大作我兵多北人皆眩暈成功麾兵鏖戰遂大潰數日屍浮海岸者萬餘官軍十居七八○十八年四月鄭成功破臺灣據之臺灣始末詳見雜記○六月賊將蔡祿郭義燬銅山入雲霄就撫偽忠匡伯張進自焚死祿義俘掠銅山子女以萬數哭聲震地死者相枕藉既而銅山仍為賊

踞○九月遷沿海邊地以垣為界龍溪自江東至龍江

以東漳浦自梁山以南舊鎮以東鎮海陸鰲銅山海澄

自一都以至六都詔安自五都至懸鐘皆為棄土先是原任

漳州知府房星葉降賊逃歸使其弟候補通判星耀上言海賊皆從海邊取餉使空其土而徙其人寸板不許

下海則彼無食而賊自散矣至是上自山東下至廣東皆遷徙撥兵戍守

康熙元年春三月南海偽忠勇侯陳豹降豹短少精悍自唐王入閩據南

灣近二十年廣寇藉利許龍皆驍勇自負獨畏豹至是與成功貳遣周全斌攻之乃人廣東投降○五

月鄭成功死○二年以同安副將施琅為水師提督移

鎮海澄琅泉州人成功舊將風宇魁梧號知兵海上樓櫓旗幟行陣之法皆琅啓之順治六年得罪干

成功詣軍門降屢立功至是擢提督○十月水師提督施琅海澄公黃梧

督兵出海澄港會總督李率奉陸路提督馬得功攻厦

門得功船為賊所圍赴水死鄭經棄厦門金門走銅山

經成功子我兵入厦門墟其地而還○三年三月鄭經遁入

臺灣偽永安伯黃廷武衛周全斌杜輝等俱先後入漳

降者甚眾○八月總督李率奏上疏取臺灣以施琅掛

靖海將軍印總統投誠諸將周全斌等○四年四月靖

海將軍施琅等出洋未至澎湖颶風大作各舡飄散不

能相顧皆引還未幾施琅加伯爵歸京移投誠兵將分

駐各省屯田數年間漳境相安無事○是年平和清寧

里賊首羅晚陳愛新安里賊首鍾光俱就撫先是晚愛與葉中等

結巢官寮山四出劫掠蘆溪受害最酷及就撫則中已
死晚愛率二百餘人道經蘆溪居民見賊大憤集眾盡
殺之鍾先道經邑南門溪岸民迫之於放生池賊五十
餘人亦盡殺死又有賊首李晚劫饒平敗回鄉壯悉截
殺之自是平和

○十三年三月耿精忠反傳檄至漳巡
海道陳啓泰死之漳浦鎮劉炎海澄鎮趙得勝俱降漳
屬各縣望風降附○四月海澄公黃梧卒○是月潮州

劉進忠反詔安亂兵殺防將○鄭經遣劉國軒何祐馮
錫范入廈門趙得勝復降鄭○五月鄭經據廈門經之

東遁也偷安日久舡不滿百軍不滿萬精忠頗易之經
使人借泉漳二府為名募精忠難之于是耿鄭交惡○

六月黃芳度芳度黃梧子襲殺偽漳州城守劉豹豹精忠所署時鄭經

已入泉州芳度先使人賈密疏間道詣京求援欲起兵
自守故先殺豹經自泉遣使加封芳度佯受之而日遣
人名募署部○九月耿精忠遣兵趨平和海澄公標將
伍為守城計

賴陞大敗之於上淡橋○十一月鄭經遣趙得勝何祐
馮錫范攻漳浦劉炎降○經分設六官算丁錢大索富

民餉○十四年正月耿鄭通好○五月鄭經入海澄分
兵掠南靖平和遣鄭斌徵黃芳度兵芳度不從○六月

鄭經圍漳州黃芳度起兵禦之使其兄芳泰突圍入粵

請援芳度年少然沉勇有謀經發衝棚龍煩大炮百道
仰攻城圯六十餘丈芳度立柵壘士且築且戰須
臾而就時出輕師蹂躪氏壁斬其偽將萬宏數月間經
剿銳死傷大半乃築長圍守之是時粵東兵圍劉進忠
於潮州芳泰至○十月黃芳度部將吳淑與弟潛叛降
乃分兵救漳

于經初六日昧爽開門納賊黃芳度死之芳度登芝山見勢不支馳至開元寺赴井死是日芳泰以粵東援師至永定已無及矣經入漳收芳度族戚將佐黃翼蔡龍等皆被殺

○十六年二月大兵至漳鄭經走廈門各縣以次恢復

○三月漳浦巫者蔡寅披左道惑眾聚海上殘卒夜入

泉州斬關而出人以為神附者日眾蔓延漳泉間派糧

以食頭裹白布時人謂之白頭賊○十月鄭經遣何祐

入南靖小溪吳淑入長泰屯天成寨○十二月我兵圍

吳淑于天成寨蔡寅率眾援之淑突圍出走○是年以

黃芳世襲封海澄公兼水師提督黃藍為海澄總兵芳世

芳度兄前為侍衛藍即賈密疏入京者○十七年二月初十日劉國軒吳

淑犯海澄十一日破玉洲三叉河福許十八日燬江東

橋廿三夜破石碼郡城諸路援兵皆為所敗遂屯祖山

頭以逼海澄副都統孟安陸路提督段應舉寧海將軍

喇哈達平南將軍賴塔會師來援賊退屯石碼築垣拒

守○是月賊以萬餘人掠平和庵後旋攻下埔土堡堡

中候墜火硝藥中火發賊招之令出欲縱之蓋賊意原

在金帛也然終無一人肯出者計焚死二千餘人賊彙

引去○三月劉國軒列陣於赤嶺在郡東十里戰方合蔡寅

率眾出天寶山以牽我軍之勢提督黃芳世擊敗之○

既而國軒樹柵雙橋滿漢兵連營進勦軍于水頭灣腰

樹十一日黎明國軒佯遁少頃我兵方蓐食賊揚航登岸直趨水頭衝滿漢軍為兩截段應舉奔海澄黃芳世幾為所獲走入漳尋卒○賊既據水頭鎮門截海澄餉道應舉集滿漢官兵營于祖山頭國軒率勁卒登山遣吳淑遶出祖山之背應舉敗入海澄國軒以澄四面皆水夜築營鑿塹于要路圍之數重由是內外阻絕○是月平和士寇張雄引詔安官陂賊廖典臨縣城搶掠一空既而典投誠于漳未幾仍乞鎮平和拆毀邑居殆盡○四月逮總督郎廷相以布政使姚啓聖代之以按察使吳興祚為巡撫調江南提督楊捷入漳合兵救海澄

○五月賊營燈火寨

在筆架山南以下臨大溪順流可通海澄故也

是時援軍

四集俱屯於筆架山姚總督遣兵破賊將林彪張鳳于岳嶺陣斬鳳公子姚儀以牛載土囊填塹進至第三重賊炮火齊發我兵終阻于水不能近城○六月海澄陷

提督段應舉都統穆伯希佛死之

時城中圍八十餘日食盡殺馬羅雀鼠繼

以人革骨楛幣皆盡城陷應舉投弓北向再拜與穆俱自縊黃藍死于亂軍初入城官兵二萬餘人及陷存者不及三○二月賊陷長泰

城守黃輝開門納之

○九月總督姚啓

聖遣兵復長泰○是月劉國軒自泉遁歸列營觀音山山在鎮門築十九寨既而戰于長泰溪西官軍前鋒稍却總督姚啓聖援之耿精忠故仇鄭拔刀砍地曰吾得與此

賊俱殲吾死不恨矣親督戰立斬退縮者三人大呼馳

入賊陣諸軍從之斬偽鎮鄭英吳正璽等破其營斬首

四千捕酋一千二百餘人亡溺者以萬計國軒尾所乘

馬泗河以遁○十二月再議遷界甲寅之變沿海遷民

康親王上疏以遷界累民至是督撫請再遷從之○十八年三月劉國軒據果

堂寨果堂逼近江東○十月賊築坂尾寨即蕭井寨官軍攻

之不克○十一月總督姚啓聖設修來館于漳州首領

官之銀幣袍服雖下隸小卒無不遍及有既受撫而仍

歸賊者啓聖聽其來去多縱反間由是賊黨轉相傳誦

人心携貳降者接踵卒成○是月吳淑死時坂尾寨斬

臺灣之功啓聖之力也○十九年二月偽鎮陳昌降○是月我師復

海澄巡撫吳興祚水師提督萬正色入廈門鄭經遁歸

臺灣陳昌既降經國軒等見勢不支又聞官兵已扼料

羅州羅者通臺灣海道也遂焚廈門行官以遁

○二十年正月鄭經死○五月總督姚啓聖請攻臺灣

復以施琅為水師提督仍掛靖海將軍印改萬正色為

陸路提督○二十一年五月總督姚啓聖率官兵至銅

山候風出洋以風不利暫遣官兵回汛○二十二年六月靖海將軍

施琅會各鎮官兵發銅山遂破澎湖○七月我師入臺

灣鄭克塽降塽經子設一府三縣自是漳人共享昇平無

復海患○二十四年六月三十夜賊夥林恩陳媽等十

餘人謀襲漳城不果事洩駐防總兵官金世榮悉杖殺

之。三十年三月奸民林姐謀襲漳城事覺姐逃之瑄溪左營遊擊張繼良率兵掩捕合瑄溪汛兵擊之姐被擒斬於市。三十六年四月詔安賊呂扁聚黨于平和白葉渠渠深險為廣東大埔縣山聯界數日間眾至七百餘人劫掠漸逼縣城時居民俱依鄉堡為固賊無所得食間道夜趨南靖之山城墟會阻雨既至天已明賊爭奪食汛防千總會高捷擊走之轉遁平和高際約正吳元臣糾鄉壯擊殺賊百餘人生擒者數十梟呂扁餘黨俱散。三十七年七月賊首鍾平鼻呂扁黨也是年平和有更丈糧之議人情洶洶知縣奔郡城平鼻潛結

羣盜營大豐社距邑三十里約期劫縣而自為內應與弟鍾二乘間登城伺探為營兵所執殺之邑鄉壯夜薄賊營知平鼻既誅皆潰。四十一年夏漳浦賊首曾睦聚黨百餘人于七星洞官兵往捕遁入竈山走平和山中豎旗集眾謀再至浦知縣陳汝咸以間諜誘睦入浦界伏鄉壯掩擊生擒睦杖殺之餘黨悉散。四十三年冬十月海賊徐容就擒。容本名林老大平和小溪人初有船五隻與賊首辛老大陳老大吳開錫阿寶尾同下海分仁義禮智信五字號每船不過數十人其後賊眾漸盛辛老大之弟辛五十七又別為興字號俱橫行海中而屯劄則在碣石衛平海所丁糧線尾四處居多是年容率其黨余阿尾自廣開洋一路劫掠與辛五十七陳老大吳開錫會于山東十月容還至寧波舟山外岐

山洋面遇日本番船二隻劫之行次漳浦古雷外船航忽壞賊各携重賞催小船登岸過雲霄為保甲盤獲容與其黨八人俱就擒知縣陳汝成庭鞠之廉得其狀繼問以斬撫機宜悉得賊中要領因上言于督撫請活徐容俾招餘黨自贖籍其財物解充兵餉其明年

上欽平○五十七年九月初十夜長泰有賊薛合等四十八人從東南壞塚潛入突入縣署搶掠財物雞鳴而期者

不至倉皇出東關遁官兵同鄉壯尾其後擒獲四賊一

斬市曹三斃獄中○至六十年冬始獲賊首薛合梟首

示眾籍沒其家○五十八年正月初四日長泰民間訛

言四起婦女盡逃鄉村止留男人守宿十五夜訛傳賊

至男女亂竄衣服器物輒投井中○六十年四月臺灣

作亂郡城戒嚴居民逃竄僅存紳士衆扶老携幼有司莫能禁止各鄉寨堡皆增築

乾隆二年八月有同安奸民柯欽潛匿長泰境妖言惑眾

事覺官司捕治○七年六月漳浦民賴石殺其知縣朱

以誠○是年七月詔安陳作謀為不軌旋擒獲伏誅○

十七年十二月十七日平和賊匪蔡榮祖等謀襲郡城

事洩被獲與其黨四十二人俱斬於市榮祖平和諸生素與南坪妖道

馮珩交好至是謀為不軌期于十二月十七夜襲城先

一日榮祖由瑄溪買舟舟中藏軍器火藥是日至南靖

湖山為鎮標守備葉相德南靖典史周履忠○三十三年三月十四日漳浦盧茂作亂知縣徐觀孫把總會大

猷撲滅之○三十五年正月詔安李少敏謀爲匪賊先
事擒獲立誅

灾祥

新增

國朝乾隆四十八年正月十六酉時雲霄溪邊杉寮火延
燒店屋百餘間○五十四五十五五十六年連年旱荒
斗米價錢九百文斗麥價錢六百文○五十六年三月
初六辰時地大震有聲如雷民居多損壞○五十九年
八月十一十二日龍溪南靖長泰海澄四縣大水郡城
水積半旬不退人口淹斃民居倒塌無數奉

恩

旨按例加兩倍賞卹該處衙署倉庫監獄兵房等項卽速
動項興修俾得以工代賑○六十年漳浦海澄詔安龍
溪等縣近海低窪田禾猝被海潮淹沒奉

恩旨分別成災不成災蠲免本年錢糧及緩至次年徵收各
有差其被災較重者於正賑外不分極次貧民均賞給
三月口糧

嘉慶元年漳屬大飢石米價二兩八錢至三兩二錢不等
○九年春陰淫彌月升鹽價錢八九十文○十一年五
月龍溪南靖二縣大水奉

恩旨散給貧民一月口糧○二十五年秋八九月漳州大疫
男女吐瀉暴卒不可勝數

道光七年銅山黃忠端祖茔有奸人謀侵隙地山石忽成
苔字若黃山黃界黃字或直或隸凡八九處

咸豐二年五月漳浦大風壞民屋

同治二年秋七八月彗星屢見○十二年六月二十七日
颶風大作飛瓦拔木繼之以雨歷數時久龍溪海澄南
靖皆同而漳浦一縣爲尤甚

寇亂新增

國朝嘉慶元年春銅山營參將李長庚等追敗安南艇匪
於海上先後擊沉四艘○二年雲霄鎮奸民陳興等作
亂遊擊陳名魁撫平之興與吳龍吳天三人脫逃搜捕
就戮

咸豐二年四月初七日同安轄雙刀會匪黃德美陷海澄

駐防遊擊崇安死之賊衆分陷石碼。初十日陷郡城
 總兵曹三祝汀漳龍道文秀死之同日陷長泰典史亢
 家駱死之。十二日陷漳浦典史潘振烈死之是日文
 秀子恩志入郡求父屍城鄉義民奮起殺賊遂復郡城
 ○十七日復漳浦。十月長泰海澄石碼以次收復黃
 德美匿烏嶼橋爲訓導黃倫生員黃永梧率族衆搜獲
 之并其叔黃光箸即黃大箸股匪黃光揭解厦門磔死

同治三年九月粵逆僞侍王李世賢由汀州永定一路竄
 入漳境十三日連陷平和南靖南靖典史司徒炳死之
 ○十四日陷郡城大肆焚殺城鄉男婦老幼不屈死者

數十萬人總兵祿魁汀漳龍道徐曉峯知府扎克丹布

龍溪知縣錢世叙府學教授池劍波子塩大使池驤經

歷張徵庸陳宗元遊擊沙肇修死之代理南靖縣陳能

無賊稟覆致郡城不及設備。二十五日賊結土匪由平和攻陷雲

霄。十二月十九日陷長泰知縣陳疇陣亡越二日收

復。四年正月二十一日陷漳浦漳標把總葉騰蛟外

委鄭昇章死之。二月初六日陷詔安時官民嬰城固

守已逾七月知縣趙人成典史姜錫安署漳潮巡檢方

顯廷守備金占熊前署詔安營守備沈龍章把總葉勝

華吳殿揚任林死之人成先期懷血書于身云地莫非

厥身碌碌黃鎮擁眾萬人坐視不救害我良民 ○四月二十一日按察使王德

榜署陸路提督郭松林署浙江提督高連陞記名提督

黃少春署浙江衢州鎮劉清亮記名提督楊鼎勳署水

師提督曾玉明等各率所部分路進攻于亥刻克復府

城南靖平和漳浦雲霄諸廳縣以次收復幫辦軍務劉典攻克南靖

斬獲最多雲霄漳浦賊二萬餘人甯近平和為高連陞等軍迎擊生擒偽祥王黃隆其偽利王朱逆等股

亦經王德榜勦斃無算 ○五月初一日我師夜復詔安越二日會

粵軍生擒侍逆伏誅餘匪多獲髮投誠

漳州府志卷之四十七終

漳州府志卷之四十八

紀遺上 乾隆志卷四十五

記事必提其要記人必稽其實昭典訓立模範史之則也其事其人在疑信可否之間與其過而去之寧過而存之且稗官野史皆可以廣聞見資誦說如摯虞所云縱橫有義反覆成章也作紀遺志

福建下四州如泉興福州軍府之額皆用真書漳州之額用古篆體故老相傳謂漳字從泣從早在書法當忌不得已為篆書然偽閩刺史董思安嘗奏改為南州若改南州或去水獨用章字名州亦不失為存古蓋水以漳

名取其清濁相雜而有文章者也沈存中筆談云水以漳名者最多畧舉數次趙晉之間有清漳濁漳當陽贛上亳州安州皆有漳水漳郡有漳江漳州漳浦此槩舉其一二耳其義則清漳相雜為文章者文之別也

唐開元中漳泉二州分疆界不均互訟於臺制使不能斷數年終莫之決於是州官焚香告於天地山川以祈神應俄雷兩大至霹靂一聲崖壁中裂所競之地拓為一逕高千尺深五里因為古道中有古篆六行二十四字皆廣數尺雖約此為界人終莫識貞元初流人李協辨之曰漳泉二州分地太平永安龍溪山高氣清千年不惑萬古作程所云永安龍溪者兩郡首鄉名也

右建置

前志云漳之龍溪漳浦海澄長泰四縣併鎮海銅山陸鰲今實屬牛六度四分之一其南靖平和詔安三邑今實屬女七度七分之二三謂今日簡平規圖記可考按梅文鼎歷學疑問詳論地圓可信云南行二百五十里則南星多見一度而北極低一度北行二百五十里則北極高一度而南星少見一度以星度應地二百五十里漳郡疆域廣袤相去至遠者莫如詔安亦在三百里之內不得云與龍溪分星越八度有奇若是之遼濶摠之分野之說未可盡信古人約畧言之亦大段不的確

右星野

淳祐志紀遺本州天寶山發龍至郡城五里有白塔山係
郡治過龍山下有漏澤園宜改按白塔即今望高山叢
塚壘壘勢難遷改而郡民又於山後取土傷陷龍脉萬
歷七年蔡中丞文白貳守沈植嚴禁之立石為禁諭碑
其畧云漳郡之山來自天寶至望高突起再伏而起為
諸峰又數起伏衍為平原而郡治在焉望高山後一線
實漳郡來龍之正脈也向年開掘有禁遮蔭有樹邇求
禁弛民頑日斲月削凹為坑塹適與郡丞二思沈公譚
及之公慨然曰是可坐視弗禁耶爰出教山麓有仍開
掘者罪無赦及斥羨金募工役視凹之廣狹加填築焉
不旬日而岡平如故先是龍溪尹繼川范侯
力贊其事既竣於是請紀之石以詔勿壞
由望高山轉入郡治為芝山兩峯並起舊築威鎮甘露二

亭其左一峰為日華峰與二亭之峰稱三台峰之下為
仰止亭乃龍脉要會處時因地方有儆當事欲置營其
上闔郡惶惑爭言恐傷龍腦賴南海周公念川抗白撫
軍報罷郡民立碑紀恩久之奸民夤緣藉口佃地蓋屋
賣泥塊取利圓淨之峰遂成坑坎萬歷丁未年知縣蔡
逢甲採輿情力為填補計議以屯兵助役乃上其事于
司道遂檄各將領董所部兵填之山形復故立碑紀之
郡人盧維正撰文

崇正間日華峰之下復為世家開鑿築館併夷其峰頂而
亭焉時有流丐題詩壁上云三台龍鑿斷八座不生還

再遲二十載化作鬼門關忽然不見明季官八座者甚多果無生還者壬辰之歲闔城餓死幾盡蓋其言驗矣今峰頂之亭已毀然館遂爲火藥局識者以爲大憾謂當移局而填補之

從仰止亭西折爲保福山亦行龍處也其麓近爲時帥建奉仙樓城中大不利者連歲郡人提督藍理從郡民之請毀之而兵民復以賣泥塊掘土瓦礫之餘變爲坑坎郡紳蔡世遠陳元麟共捐貲請太守魏荔彤從仰止亭一路悉爲填補峰巒如故立石山麓以杜後來開築之患仍以餘貲填補望高山龍脉云

是役也仰止亭之右爲守備侵築馬房生

員許國騰出力移之騰爲總兵官許公鳳子併捐金三十兩云後復爲居民開鑿紳士合力填補

漳郡形勝溪水環抱至鎮門獅象肖形以守水口而文山秀拔以當其衝亦可謂壯麗矣自此大江東出直至於海圭嶼在海中流前輩周軍門忠愍釀金建塔其上吏部侍郎蔣孟育有建城設兵記孝廉張燮有建文昌天后宮募緣疏時有神龜負圖與淪漣相上下而一塔當空聳出海表自鎮門望之真形勝超拔矣故筆記載云邇年以來風氣日盛每家至大官黃金橫帶在處相望或謂圭嶼建塔之效筆記所云如此奈劫灰乘除諸蹟俱圯前明林卓立請建圭嶼塔與議廢南橋並以此立

言蓋卓立從江東受業陳布衣其所言亦布衣意也故特記之

漳江東出直至海口培塿森列有挺秀峰巒而亭亭獨立者俗言十八羅漢朝觀音卽大觀山也漳地至此止隔海則廈門中左所矣海中有龜巖蛇礁在大觀山下取形最肖今兩臺出巡取道廈門由渡而過嵩巖泉漳二水交匯之處實海濱重地也乾隆二十七年里人砌築石步立碑以記

右疆域

沈存中筆談載漳州界有水號烏脚溪涉者足皆如墨飲

之則病瘴行人皆載水自隨梅龍圖素多病預憂瘴癘爲害至烏脚溪使數人負荷之以物蒙身恐爲毒水所沾兢惕過甚忽墜水中自謂必死竟以除宿疾無復昔之羸瘵矣然漳無脚瘴豈昔人引用有誤抑山川美惡時亦變異耶

入龍溪界自江東驛而南十餘里峰巒巖石磊落翠嶺如獅如象如釜如豆千形萬狀盡竒而秀氣甚蔥鬱以時事驗之此郡正當盛際宜有名世士興於其間非獨科目之侈而已

凌元孚榕城隨筆

古記云梁岳閩中之望也按梁山有大峰十二唐鍾紹京

來作懷恩尉時增二十四合三十六峰故吳偉明詩云
梁山重回首翠峰三十六是也諸志皆稱大峰十二紹
京改爲二十四誤矣今浦人稱梁山九十九峰鹿溪九
十九曲不知始自何時

右山川

林碧溪祺早年聞道與蔡鶴峰烈爲友惜年不永所著亦
散逸嘗閱林氏家譜見其闢佛曰吾漳俗尚佛教材民
迷惑猶無足怪乃有身寓孔孟之門墻而心奉傳燈之
衣鉢儒其名而墨其行者比比然也獨不思佛果何人
哉昌黎斥爲禽獸夷狄傳奕詆其無父無君晦翁謂其

廢三綱滅五常士君子讀書行已以不忝所生爲重背
經非聖爲戒今雖未能閑道作砥奈何反效婦人女子
之迷惑耶若謂究耽內典證性見心喜其超悟則儒者
之書如大易中庸廣大精微有終身用之而不能盡者
矣司馬溫公謂其妙處不出古書其誕處吾不信也况
彼虛無寂滅近似亂真又安有所謂妙處乎至於溫厚
之家居喪必作佛事此誣親不孝敗俗之大者有識之
士宜以此相懲告焉

學使王世懋閩部疏曰閩西諸郡人皆食山自足爲舉子
業不求甚工漳窮海徼其人以業文爲不貲以舶海爲

恒產故文則揚葩而吐藻幾埒三吳武則輕生而健鬪
雖于東南無事不令人畏也又云漳人既業文尤多習
武民間儒童每歲大比蠅集省下覬所謂大續遺才者
不得留以就武試又材官多能操觚伸紙作經生語故
榜出五十人大半是漳人也

漳郡七屬相去止二百餘里而種藝氣候不同近郡早禾
率播清明漳浦則立夏詔安則近小滿矣惟晚禾俱在
立秋節然亦有先後也

漳文儒多寒素以舌耕爲業未嘗客遊居幕老守一經雖
淡泊恬如也同志重文社多者數十人少者十數人按
期拈題呈能角勝雖窮鄉僻壤亦彙集郵致以証先輩
竟以此爲樂事焉

俗好遊覽春登於芝山夏憇於岐山秋陟乎白雲冬馳乎
七首浦之人遊於梁麓放乎太武澄之人登乎鹿石靖
之人升乎鷲髻泰有四山曰天柱曰梁岡曰吳田曰董
鳳時遊之平之人尋幽乎九星詔之人周乎九侯陟漸
山而憑弔乎七賢之遺蹟

俗有無爲教以朔望爲期曰菜期集男女燒香拜佛夜聚
曉散佯脩善事人競惑焉廷尉陳公汝咸知漳浦時有
教頭女某氏者犯姦事覺按其罪盡籍在縣經堂改爲

育嬰堂行臺館舍驅諸從教者士論韙之

公有杖毀東嶽鬼卒事見

祀典又有驅逐西洋教主出境事

嘉靖三年鴿鳥價值百金先是有鴿自中州來者菊冠紫衣首尾純素號曰四停花以黑綠爲上紅紫爲次品色名號不一人爭尚之初僅值一二金長至十數金已而潮人售之轉相誇艷價益沸湧貪夫販子競傾貲以購得爲幸雖厲禁不止也其後物極而變禁行鴿死人人喪資有數百資之產而一旦漸盡者近日浮蕩子弟多鬪鸚鵡畫眉以相勝負價甚高鸚鵡尤多卽此類也崇正間民爭養白兔每對價數十金婦女亦鬻其環瑱以

而睡以木綿飼以生菜如養兒然半載餘價倏賤遂有傾家者所謂獸妖也

台民風

濱海築坡爲田其名曰埭初築未堪種藝則蓄魚蝦其利亦溥越三五載漸墾爲田斥鹵未去宜鹹水允稻其穗鬚長稔穰如髮能耐水浸米色赤數十年後成熟耕始克早晚二收云

漳地田禾秀實時多小白蝶爲害故農人多豫蓄烟草梗以防其患截而圍之按科斜插稻根下蝶不敢近或曰南灣山中有白蝶洞若芒種前遇南風則群蝶飛出宿

田疇卵育滋生所在多有無風則否今亦不敢信其必然蝶似燈蛾而小聚稻莖葉則立枯不能華實惟烟草梗足以治之也

漳上古所謂善蠶之鄉也歲五蚕吳越皆不能及蓋開國之始民寡而地曠桑盛而後凋故蠶治焉詔安有蠶王廟可徵矣今漳中桑柘無幾株拘忌之夫謂其音與喪同剗除殆盡聞有闢山園二十畝樹養如法但治絲色稍黃耳蓋桑有二種多山宜荆桑平地水田宜魯桑物土之宜隨地可植當大書特書以仰副

耕織圖之垂訓豈可舊業不講哉十年來廣州財賦之盛

甲於他省政以蠶祭故也

近山之民藉種植管子所謂十年之計在於樹木也故有種竹者杉者松者茶者效遲而利大也如姜如芋如王梨甘藷一歲之入亦足以供數口

漳地負山阻海田疇稀少濱海者以漁爲生嘗於秋仲及春末乘小艇破巨浪至青水邊下網引網而歸所獲滿載名曰牽風其絕流而漁者編竹者曰截箔豎木者曰掛桁又有釣者罾者撒網者敲者觚者跳仔者駕小舟敲木魚響徹波濤魚即驚躍入舟中者曰敲觚以粉塗舟旁于月下撥櫂疾行而魚驚躍入舟者曰跳仔

海中多蜃蛤之利居民恣取不竭燒以為灰其用最廣可
以造宮室可以營宅兆可以築隄堰可以糞田疇較石
灰為更勝也

漳浦文廟殿東有龍眼樹一株大數圍高四五丈老幹杈
枒歲垂華實蓋前代嘉靖間所植也百年嘉樹得列宮
墻愛護是宜尚其存剪拜之慮乎

漳紗漳緞漳絨漳之物產也而絲則取諸浙西棉苧等布
本機所織不讓他郡而苧則取之江右棉則取之上海
卽粟米之需龍溪多資臺灣詔安多資廣東也

長泰鼓鳴山威澤王巖前有樟樹大數十圍高千尺經千

餘年蒼翠條達里人奉以為神歲旱祈雨卽應或言伐
者輒竅血以死若羅池醉客得疾狀以故得老其蔭而
全其天無斧斤之患雖匠石過之不敢顧矣

詔安古林舖有老樟樹一株大數十圍相傳淳熙間叢神
自名曰章卓立進闈登第先數日到報房親填籍貫且
曰報到以三十金為謝揭榜果有名報至徧詢無章卓
立其人者徘徊久之忽于樹下拾得報資折封如數此
傳聞之可異者也明正德間厚村李且構庵讀書其下
著有松竹梅蘭清幽閒靜八章稱為絕調

國朝康熙間邑紳脩文昌閣取樟材以雕梓潼帝君乘騾

夜間恍于神座前騰踏有聲或云木未伐時嘗于樹下見白馬往來卽之不見疑爲金銀氣越數日有此事咸以爲異今樹如故而靈益顯鄉人爰建廟於旁以祀之二事語涉杳冥姑爲齊諧之志搜神之觀可也

榕之爲樹根盤而彫後材美而蔭廣植物中肩並松柏故地勢空濶之處皆種樹之以護藩墻以蔽風雨蔭可數畝自榕壇作頌而榕村特起榕門繼盛皆離明華滋爲我

國家億萬禩之喬木也中州南浙無之而此獨有諺言榕不過浙此可徵矣纂書者泥草木疏謂理疎不中規矩

豈知言哉

石碼名烟汀州黎大參愧曾嘗有書云儀狄始造酒茶之名未立盛於唐而名於宋矣烟之名始於日本傳於漳川之石碼天崇間禁之甚嚴犯者刑無赦今則無地不種無人不食約天下一歲之費以千萬計金絲蓋露之號等于紫笋先春闔市什一之征比于絲麻絹帛朝夕日用之計侷于菽粟酒漿不知數百年後更有何物標新出奇如煙等類者乎江河如故運會無窮真可浩然長嘆也

漳浦梁山蓮花峯聳拔千尋煙雲縹緲繞上產石衣狀如水

耳為清陽明火之上劑然不可得嘗有採者用脩綆數十丈倒懸石上絡其身于半空取之偶爾失足便墜入千仞崖也又峯巔產茶烹之味甘如飴名曰甜茶

南廂外琥珀嶺相傳舊種松柏大十圍其下有泉鄉人多百歲者明邑令徐聞遠竒之意其下必產琥珀掘之果得珀大如斗泉遂竭以後鄉里遂替今松亦無有康熙初年大旱鄉人掘地為桔槔其下松頭錯立則其說亦似有據也

深山多虎所至二獸有鳥隨之圓眼鉤吻豎兩耳頭如虎似鶴而大聲鳴啞不可聽何所攫產而食其腸

詔安烏山多巨猴嘗於秋月一會千百為羣叫嘯跳躍遍滿山谷他時見亦罕矣不知聚族何所也

右物產

陳王墓一在平和新安里大峰山一在漳浦雲霄將軍山之麓故脩竹里初陳將軍元光葬父政于雲霄後青囊稱茲山有王者氣元光改葬于大峰山以避之後元光戰沒廟食茲土累封王爵故父葬亦稱陳王宣和五年有傭人林機來自泉請于縣令曰陳將軍欲遷峰山塋還葬雲霄有磚一坎在普賢院後幸命五百工將去時人以爲狂已而發坎果驗山前人遙望舉畚鍤者數百

卽之獨有機耳民各攜酒往餉須臾則瓶罄豆空未踰月役畢有吳大成者過雲霄見黃旂前尊自峰山直趨舊塋鹵簿蔽空鼓吹傳響山下人趨視則新墳立矣尋訪舊塋藤蘿亂覆始知王之遷塋也

和溪司前代有葉姓者失其名舊傳與賊戰陣亡葛竹洋亦

知何年葛竹洋有石塔收掩骷髏每風雨天陰時聞鐘

鼓之聲其長子某亦殉難妻善哭其夫立祠於司衙外

東偏名哭夫祠埋其骨於司衙後山關仔嶺名葉大舍

墓原有田產歲收祀祠墓鄉人鄭姓掌其事今司衙移

建水潮舊址屬民居惟哭夫樓一座上下各三間兩廂

各二間在堡外東隅奉其香火應令鄭姓承祀者時加脩葺以存古蹟

高東溪先生故宅在漳浦杜濤明季有劉氏者作塚于此掘地得草屨六兩有石刻云汝昔不如我昔我今不如汝今天地好循環何用苦勞心或勸劉氏改塋不從後竟不昌

賈似道常夢金紫人相迎逢傍一客謂之曰此人姓鄭是能制公之死命時大璫鄭師望方用事意疑其人竟以他故擯逐之及魯港失律遠謫南荒就紹興差官押送則本州推官沈士圭攝山陰尉鄭虎臣也鄭武弁嘗爲

賈所惡適有是役遂甘心焉賈臨行置酒招二人歷言
前夢且祈哀徼庇云向在維揚日襄鄧間有人善相一
日來值其跣卧因嘆惜再三私謂客曰相公貴極人臣
而足心肉陷是名猴形恐異時不免有萬里行耳是知
今日竄逐之事雖滿盈招咎蓋亦有數存焉及抵清漳
之四日泣謂押行官曰某夜來夢大不祥纔離此地必
死無疑幸保全之遂連三日逗遛不行而官吏追促之
離城二十里許小泊木棉庵竟以疾殂或謂虎臣有力
焉先是林僉樞存儒文爲賈所擯謫之南州道死於漳
漳有富民蓄油杉甚佳林氏子弟欲求而價窮不可得

因撫其木曰收取收取待留于賈丞相自用蓋一時憤
恨之語耳至是郡守與之經營竟得此物以歛可謂異
矣死生禍福皆有定數不可幸免也

見周密齊東野語

賈似道當國時惡吳潛循州安置未幾除承節劉宗申知
循州責之以黃祖之事履齋終不免似道後亦遭虎臣
之斃其時趙介如守漳賈門下客也宴虎臣於公舍似
道與焉介如欲客似道似道不可以讓虎臣稱天使惟
謹虎臣不答似道側坐于下介如察虎臣有殺賈意命
館人防鄭且以辭挑之于時似道衣服飲食皆鄭減抑
介如作綿衣等餽之見其行旅輜重令截寄其處未幾

告俎趙往哭鄭不許趙固爭為經紀棺殮且致祭其辭云嗚呼履齋死循死于宗申先生死閩死於虎臣祇此四句而哀激之烟無往不復之意悉寓其中

蔣子正山房隨筆

南山寺按碑記為唐太傅忠順王陳邕所建裔孫陳洪進仲子文顛重建據嘉禾陳氏譜以邕為祖云係京兆萬年縣人唐神龍中進士與李林甫不協開元二十四年被謫入閩由興化移漳生四子曰夷則夷錫夷行夷實皆顯貴而文獻通考記陳氏有三族一為萬年陳氏本姓自是與洪進為元光太邱之後者不同祖矣又考唐書陳夷行傳則云穎川人是其說又異而舊志復不載

陳邕事豈嘉禾之譜固附會耶然南山寺遺像碑記尙存則邕必有其人又似非無據者舊志缺之何耶又寺前原有扁書悠然二字相傳為邕女名金者剪髮出家以髮濡墨書之字體適雅明季尙存又或云原有悠然寺三字乃閩越王女元琇所書後改寺名故僅存悠然二字據此則此寺之山來又舊矣與碑記復不相同大抵事久多無可據但傳說久姑並存之

野老傳少年時寺僧祭太傅陳姓子孫往拜祭畢僧每人各奉鞋襪緣太傅置有鞋襪租以待子孫今租為僧所廢近年陳之孫于與僧較僧乃重興太傅祠歲每祭復延陳族吃齋而陳族有發科登第者于此處掛扁監旗云

詔安龍潭水深不可測魚大者可數百斤小者亦數十斤

鄉人常飲社錢市藥毒魚魚斃浮水面每陰風怒雨漁人相顧失色或毒而雨藥不售者十之八明嘉靖吳董齋時遇鄉賽與鄉人復鳩錢市藥將有事於龍潭未舉董齋方閉戶食有欵扉請見衣冠容貌甚古董齋延之坐客問鄉人將毒龍潭魚魚待命先生固無脫者然以口腹故多戕物命魚亦何罪惟先生宥之董齋謝不敢云勿藥固善然此自鄉人事且其詭與藥畢具恐雖某不能止也授以二麵果客啖之若悵然者久之別去後兩日村人果大得志于龍潭魚滿載歸村人擇其最鉅者以壽吳先生剖之則腹中麵食尚未化乃知向者客

固潭中魚也

詔安初築溪東陂鄉人糜工費千萬不能成甚苦之有猴西姐者自言我能築此陂然須入水衆異之西姐果持刀躍入水中久之有聲若戰鬪狀持一大鰕自水中躍出鮮血淋漓西姐銜陷之築陂遂成今溪人春秋祈賽以猴西姐配食焉

漳浦縣學之西有石碑高可數尺鐫玉壘山三字旁曰漢

左將軍劉備書其三大字係倒刻深寸許高可二尺或

曰掘泮池得之

今現存

宋朝學士墓在海澄三都者其刻石云有宋學士允恭蔡

公之墓週遭甚完美墓下石壁鐫登瀛二大字又梁姓
有三學士之稱惜名字湮沒鄉人相沿共指有古墳其
一沒字碑其一書宋學士梁公之墓明萬歷間始勒石
也前王申癸酉二縣志皆不載及辛巳志載入今搜遺
以備參稽

右古蹟

濱海產鹽之區

朝廷額設鹽場大使以主之漳浦有南場駐杜潯有東場
駐連江海澄有浯洲場駐石碼詔安有港口場駐港口
並係委員無專轄之官故有官而無印有俸薪而無養
廉與他省迥不同耳

右秩官

郡城西門舊與東門正對門外直街卽今塔街相傳正德
門有衛弁家于門內嫌城樓高壓不利住宅自出貲移
門稍迤而北弁以擅役官軍坐罪調衛泉州然門旣移
不可復矣今西直抵城垣上無敵樓下無深塹有警可
蟻附而上爲地方長慮者富別有設險之策

郡城南河昔年水從東西開直通城內小舟載魚鹽抵上
街爲漁頭處今日漁頭廟現存蓋昔年魚鹽市也及後
河溝壅塞而市遂移東南浦頭矣其路旁有所保亭中

碑記云昔年此地荆榛午後絕人跡傍晚燐火青熠則知浦頭原屬荒浦也

隆慶四年知府羅青霄政府大門以府前街直衝改左邊從府學東偏而出至三十三年知府楊維嶽以風氣閉塞改復大門舊制府路亦改依舊故俗有舊府路之稱故老云府治後有小山太守登堂踰山而出後人夷之風氣減昔然不知其夷在何年也今府治後有河河邊有七星墩不知始於何年或曰紫陽爲之

世傳海澄謝都官築海成田陳太保疏通水利及考謝傳則築海疏泉並都官蹟也滄桑遞變計非一旦就彼導

泉灌溉既屬都官則經營築海必始自太保但以斥鹵難耕不爲民利都官繼之變鹵爲腴而利始溥故都官之名著而太保之名隱有繇然矣

漳郡地少平衍鎮門東出西北負山東南濱海一帶頗平流浩渺也水自西北二溪至者交會澳頭引而出口直注九九都石美南門諸鄉宋進士丁知幾明太守王仲謙及叅政林魁接踵而起鑿成溝渠建立石閘在石美南門蓄積宣洩下流入海俗稱官港由來舊矣又有泗州洋者自天柱山之南二十里泉流參差蜿蜒至石美東門亦建二閘洩山雨之驟漲由南門而入海以二水

泗州府志 卷之四十一
之情形窺之官港比泗州地高五六尺于兩港總匯入
海之處再建三閘則官港之水通行泗州內外埭斯水
滿無異漲水涸足相資是必如叅政諸人有能繼起者
矣

右規制

自郡邑至村落輒數十家爲一社建立祖祠以祀其先又
各立祠春祈秋報亦猶行古之道考祈報所祈惟玉鈐
陳將軍關士開疆功在生民報所最盛其餘各方所祀
大約能爲民禦災捍患者如各鄉之祀吳真人大帝及
天后娘娘皆生而爲人沒而爲神俎豆馨香自當有永至

文人祀文昌武人祀關帝術業之宗各有所專至于關
帝則通衢市肆在在皆然而天后之祀凡雙船下水則
呼爲感應也

三公廟在華葑市中相傳神姓劉氏兄弟三人從唐將軍
開漳舊時巖平寧水道舟楫不通劉氏疏而達之北溪
以上信奉靈赫康熙甲寅年間永福賊欲夜屠華葑望
見旌旗遍野懼怯不前蓋神特顯跡以護居民今平邑
溪南有三公墓其子孫猶在云按舊志載三公爲巖人
兄弟三人得導引脩鍊之方又善八門法嘗將鄉人禦
賊草木皆兵後人名其山曰將山老年結茅於節惠里

人覓之輒黃霧四塞其神赫奕如此
詹姓遠祖敦仁封靖惠侯載在泉郡祀典春秋致祭其裔
分派于漳今淨衆院圯畔芝山仰止亭東首之麓亦有
祠焉雖屬私祀亦崇列鄉賢之區也

右祀典

郡縣學校之設所以培養人材毫無敢或苟也觀於朱子
治郡時延郡士人學牒云州縣兩學講說課程近日以
來漸有倫緒但以州郡尊賢尚德之心有所未至致使
諸生無所薰陶涵養以發其向道入德之趣不敏之咎
何以自文觀新汀州知錄黃從事罷資渾厚操履端方

杜門讀書不交權利鄉間有識莫不推高若以禮諸屈
居州學正錄之任兼同主管縣學教導必能使諸生觀
感而化有所興起前州學施學正允壽石學正洪慶皆
以耆艾之年進學不倦強毅方正衆所嚴憚林貢士易
簡李進士唐咨或究索精微或持循雅飭察其志行久
益可觀貢士陳淳太學生楊士訓齒雖尚少學已知方
永嘉學生徐寓務學求師志尚堅確凡此數士當職所
知若悉招延異其禮際則凡學之子弟藏脩息游無適
而不得良師畏友之益庶幾理義開明德業成就仰副
聖朝教養作成之意其在外士人竊恐尙有年高德邵

間里推尊經明行脩流輩歸重而藏器自珍不求聞達者更當廣行咨訪續議延請淳熙三年正月初二日牒少司馬陳洪謨守漳見文廟樂罷久壞道人求泗濱磬請神樂觀知音樂羽士教俊民肄習仍刻大成樂譜傳焉適琉球使者過漳來觀皆合掌捧手稱歎而去黃道周講學江東每臨講時堂設先聖位具琴瑟鐘鼓立監史讀誓戒獻酬歌詩主賓百拜四方學者環江門而來聽者千艘禮樂之河汾亦一時僅事云

右學校

唐周匡物元和十一年王播下進士及第時以詩歌著名

初周家貧徒步應舉路經錢塘江乏僦艘之資久不得濟乃於公館題詩云萬里茫茫天塹遙秦皇底事不安橋錢塘江口無錢過又阻西陵兩信潮郡牧出見之乃罪津吏至今津渡尚傳此詩諷誦舟子不敢取舉選人錢者自此始也

出黃璞聞川各士錄

世傳周匡業以貞元八年登第匡物以元和十一年登第自德宗貞元八年至憲宗元和十一年幾三十年嘉定志疑其抵牾謂漳進士登第當自匡業始今攷匡業乃以明經登第非登進士第則漳之進士始於匡物明矣世又傳周匡物爲解元進士潘存實爲探花攷解元之名

唐時未有顧氏日知錄引贛州府志云鄉舉在宋時爲
漕試謂之發解然荊州志劉蛻以荊州解第進士則凡
舉人通謂之解在唐時已然但未元之號耳宋有省
元自開寶八年始也探花名目唐時有之秦中記云唐
進士杏園初會謂之探花宴以少俊二人爲探花使揮
塵錄云李宗諤之子昭邁十八歲鎖廳及第通政現任
官應進士
舉謂之
鎖廳昭邁子果卿果卿子士廉皆不逾是歲登甲科
凡三世俱曾爲探花即據此二書則唐時探花恐是少
年登第者非必殿試第三人之稱也以第三人爲探花
亦自宋始潛確類書引宋會典第一名狀元授承事郎

第二名榜眼第三名探花授文林郎然榜探之名雖制
所定而當時尙未有以此相稱者三及第之名至明始
尙而士大夫又通以鄉試第一爲解元會試第一爲會
元二三甲第一爲傳臚云詳見明選舉志然則謂周爲
解元者豈周鄉貢爲舉首而譜記自後人遂以是稱之
耶潘之爲探花或少年登第未可知並存之以俟參考
長泰林震及第在宣德庚戌科是年狀元長泰人榜眼龔
錡建安人探花林文甫田人三及第俱在福建亦吾閩
科目未有之盛也

永樂進士第二人李貞第三人陳景著俱以翰林院編脩

九年滿當遷乞改鄉官便養貞得高州府景著得福州
俱教授遂以此官終其身

永樂庚子長泰諸生赴省試者八人其一人至朝天嶺斃
于虎七人皆領薦林脩撰震與焉震以宣德庚戌第一
人及第至今相傳爲連茹盛事

永樂辛卯南靖諸生赴省試者七人領鄉薦者五人皆在
寶珠山內室廬相望李貞賴清江澄張驥盧閏貞以乙
未第二人及第澄六同捷南宮時有寶珠瑞氣多七子
五登科之謠洵連茹盛事也

陳少卿汶輝詔安人幼博經史尤邃天文地理之學結廬

南臯舍前有榕樹一株每歲學於其下輒指以語人曰
此榕開花當得官一日友人茶話門人乘其出
門戲剪紅紙作花綴榕樹上汶輝見而喜曰榕開花矣
可以出而仕矣居數日洪武詔徵天下人材汶輝與焉
遂入試以經明行脩冠天下第一拜吏科給事中轉大
理少卿

蘄一派字雲浦海澄人萬歷戊子歲縣府選第一試督學
入泮亦第一遂以其年登賢書人稱爲三案登科辛卯
周尙德夢一派遣以三筆是年亦以三案登賢書相距
二里無端之夢徵驗如此亦異矣哉

漳浦蔡大宗伯文勤休致家居嘗于元夜夢入闕廷殿

上

至尊呼之曰汝為蔡世遠乎偃偻而入伏丹墀下

御書上和乾綱四字賜之覺以語諸子弟咸為吉兆而莫喻其旨後有遊朱大宗伯塚者見其坊表傾圯榛莽中石額鐫四大字即上和乾綱也後文勤官禮部侍郎尚書位與朱埒始信官階有前定先於夢示休徵云

右選舉

賦稅正供上則中則下則三等之外有海蕩浮糧之名蓋近海新築者成田之後或有衝決之虞未便即定則例也

國初沿明季陋習佃人納稅之外又納租故有一業兩主之名經當道禁革已無其名偶有民田而帶祠廟租者則以供香火費故存之然近佃戶有糞土之說藉上下承耕之例踞佃匿畝抗稅代耕百弊叢生業主文弱竟不得主持空輸

國課刁風亟當禁絕

右賦役

沈聲振號四郎詔安人宋指揮使世雄子也性純篤晨昏定省之外隨侍左右不離尺寸自是孝行聞于鄉里嘗

從父出猝遇海寇欲劫而奪之聲振奮勇護父幾爲所害中有識者告其酋曰此某鄉里孝子也酋躍然曰何與孝子相見之晚乎遂改容施禮張樂設宴贈黃金百兩聲振却其金而告以遷善改過遂咸愧恥散爲良民其孝感如此卒塋于漳浦縣西

長泰有林承休者團長也嘉靖間倭寇突至所在殘燬漸逼邑治承休與弟承達于梧及柏泊族人時新率丁壯八百人馳援破賊城賴以完後寇掠隣邑龍溪安溪有司輒檄召承休會勦賊遙見赤幟曰高安兵至矣則皆走不敢抗稱長泰保障邑人思其功舉承休與梧列祀

典

張鳳藻海澄人邑諸生遭海氛奉文爲團練禦賊及賊氛愈甚官兵退入縣城藻勢孤不支家屬爲賊所獲藻父子被沉于海亂定後妻子脫歸邑令齊爲之復其業焉

右兵紀

白居易長慶集送呂漳州詩今朝一壺酒言送漳州牧半自要閒遊愛花憐草綠花前下鞍馬草上繫詩竹行客飲數杯主人歌一曲端居惜風景屢出勞僮僕獨醉似無名借君作題目詩意自豪但遺其名又歐陽詹送楊據見漳州李使君序中云李太守天枝之英金鏡之明

盛物之量秤物之衡楊子谷容不孤其鑒而亦遺守名唐事已如晨星載以待攷

高登有東溪集二十卷水心葉氏序其略曰君高遠獨出無拘留泥滯間意學已成謂當直施用不曲步捷行以漸巧取之論說必窮理欲破時陋扶世壞文不為扶踈茂好惟自根極而成故不得志於科舉至轉富入貧本業微折不動心一以溪山雲月為家宅筆墨簡策為情性常覃研竟日曰孔顏不如是也

淳郡風雅始于周幾本繼之者未能專家至元凱而盛矣其詩冲穆淵雅當與青邱幼文爭鳴夏聲于正始雖子

羽猶將遜之

二語本李公斯義序

嗣元凱者惟林白石自成一家

至于萬歷天啟間蔚然並興與三山曹能始謝在杭徐興公溫陵何匪我黃太樾諸人旗鼓相當亦文苑之洋洋國風也黃文明晚出學博才雄浩乎莫窮其際或騷或子固當關一詩宗餘如張小越摹杜工部張凱甫學李長吉陳子篤傲蘓東坡魏大千擬孟東野王載卿學陸劍南洪阿士似謝晞髮漳詩原委大畧如斯矣

龍溪劉宗道駟洪武初倉攢以秀才徵試第一拜左都御史後坐事徙滇有爰禮先生集其學遠師北溪闢釋老甚嚴目佛為泥廁集中有感興詩曰浮屠日以興平地

生棘刺大道爲之荒聖門爲之蔽嗟哉未俗流每每謂之是觀古聖賢人輩感多因爾蹇子魯且蒙奚爲生此世發憤逐前脩弱質安能至聖道雖云遠戮力應可致又有同安嘆云噫嘻吁紫陽之化衰家家阿彌儒也墨衣墨也墨衣滿城遊遨誰知我不如歸也不如歸遊天蓋寺句云若無僧寺塔直是一唐虞斯亦能言距楊墨者已見明詩綜靜志居詩話

吾鄉文苑有明一代必推梅雪爲冠蓋公負異才與同時青田金華烏傷括蒼上下其議論故所爲詩文雄偉軼若清峻之氣屢出塵表

二句本括蒼評語

漳浦王中丞序公集

曰凡詩若文清則易弱非有一種邁往之氣行乎其間安在能雄偉軼宕蓋公之峻生于清其雄偉軼宕生于峻清之一字乃千古詞人之脉之骨非獨襄陽蘓州一派至千十九首亦云澄至清發至要焉耳雖二陸三謝以逮齊梁絢爛之極要必有輕盈澄秀之致蕩漾而出乃知非不用故實不用典要語之爲清也中丞此論可謂直扶詩文之秘而公之所以擅名者其骨脉貴也

陳白沙與布衣先生詩千載武彞峯伊誰事幽討垂老赴江山懷賢薦蘋藻多謝泉南翁神交願傾倒聊將一瓣香寄向君懷抱其跋云泉南陳先生布衣者其學以子

朱子爲宗子嘗聞林蒙庵及周進士梁石粗得其大致而恨不能與接今年秋子過江西訪張廷祥內翰乃知先生曩歲亦嘗有意于不肖值予在京師行至潮弗果今因鄉友余習之之官莆田賦此詩贈之蓋特借以寓景仰之私云耳

陳白沙輓布衣先生詩武彞爲約後垂死又三年閒月羅浮外高樓鎮海前獨疑何面目相望此山川忽報龍巖計乘春欲理船拙詩一章奉頌龍巖掌教致之布衣陳先生柩前以表哀悼之忱布衣先生余雅敬慕久矣曩歲有書約予遊武彞冀得一會今弗及矣可勝悼哉

長泰盧公希稷博學疆記與南溟汪道昆爲同舍郎以古文詞相砥勵客有餽香脂油皂者汪問在古云何盧曰唐人謝賜口脂澡豆此二物也宴席有糖獅象汪又問之盧曰漢光武時禁猊糖不許高大是也汪甚嘆服又其少叅雲南時部使者將梓大學衍義選博士校讐中其少正先死趙高橫二語博士疑之繙秦二世紀及李斯傳無所得部使以問盧公盧曰是載漢京房傳云秦時有正先者非刺趙高不勝而死高威自此成部使服其博雅

吳大生公布工詩兼長書法詩初學義山旣隱博鑪山後

乃變為鑱刻雄宕大類謝臯羽所著江倩居集世無傳
本有九龍潭近豪數十章大半傷亂之作又皆律詩無
古體然五言如交淡仍芳醴巢安卽舊枝到心盟白水
人眼豁青天亂離安逆旅老大怯年華七言如側身遼
海難爲客匿影於陵尙畏人樂子無知還是草謂予不
信有如河狂綠已斷猶耽酒宿債難償未廢書亦名句
可誦也

鄭瓚思爵魁賦夾道松詩周仲先起元和之瓚思大加激
賞謂曰此詩寄托遙深知君有拔俗之才歲寒之操遂
相與折節定交今周集中有夾道松和鄭瓚思先輩二

首云古松磊落影重重羞向秦關覓舊封轉爲嵐侵姿
更倍豈緣雪少色方濃枝加逼腕疑塵駢勢軋翻身睥
畫龍雖入炎荒殊不灼清都物外此問逢託根嶺表挺
清蒼接幹交柯舞兩行不惟旅情無葉落能滋華髮有
脂光鶴聲頰和風前韻馬首時迎逕底香肯向人間憐
楚楚貞蕪千載自芬芳瓚思以是詩識仲先可謂隻眼
其原韻亦必佳惜乎不得復見矣周忠愍有張升甫像
贊載居齋齋集贊凱甫一首古蟠輪困張固竒慧非此
贊不能稱也贊曰儀子於壯兮甫十六爲中也匠子於
冲兮又曷不驚聖童也幹方五尺長坐彷彿百尺牀式昂

以顛亦珪且璋觀其窮混茫頽芬芳紆縑緗佩流黃揮
塵蹠蹠握管洋洋志在四方出也為光遊到金閨為我
深藏吳兒莫當試與頡頏得所未嘗大言小言八音和
陽婉五駒之龍驤

丁布衣著無知解周忠愍公序之其略曰漢唐以來註疏
之儒亡慮千百家紛如聚訟於羣言淆亂中闡發奧義
挽回正學使天下後世曉然知聖道之鵠而其趨之者
蓋自茂叔伯淳諸賢而外未數數也余讀丁布衣玉鳴
無知解卑不落於哺槽歆醕高不入於荒唐汗漫其以
明道術正人心功足多焉忠愍故以理學傳家而推許

丁若是惜乎其書不傳矣序見忠愍本集丁玉鳴疑卽
丁玉明黃石齋所稱為古之有道者也

慥慥錄十六卷讀書本義一十二篇明經鄭英道著溫陵
侍郎翁文簡公序之稱其于脩己治人之事下學上達
之功靡不該備條貫足為考亭羽翼云英道海澄人由
龍溪歲貢徵為春官博士直言拂璫告歸隱于霞郊之
南自號質朴山人

方直吾者文山人也少警敏以善屬對聞一日諸儒士買
舟赴郡試道福澣澣居民方演巫賽劇衆停舟視之舟
者戲謂諸儒士曰若秀才試一對果工不敢索直也衆

漳州府志 卷之四
欣然請其目曰福嶽許邈作福事福緣善慶竟沉思莫能答舟已抵碧溪灣矣碧溪在文山之麓見直吾據步候潮衆謹曰此小方也必能爲吾儕解圍呼入舟中具告之直吾應聲曰文山山下遇文人文運隆興衆爲之拊掌是年直吾遂雋後舉于鄉爲公安知縣直吾名一正相傳令公安聰察敏辨吏莫能欺又當時有進士李東崗舉人方直吾在里中頗有聲惜不能詳其事蹟之大者此係遺文聊紀之以備叢談一則
相傳某巡按抵漳浦歷郵置得對偶云過甘棠過三鼓驚白鶴飛入長林此皆自郡至浦驛鋪名衆莫能屬對獨

一庠生應云登銅山撞懸鐘驅綠螯奔赴鎮海皆沿海衛所名按君大加擊節庠生李姓車螯人又有過圓子嶺出對偶者曰圓子嶺日日冬至一人答曰燈火山夜夜元宵亦佳對也漳俗皆以冬至日供圓子

明季時文競趨怪異邑庠生林賓取唐劉蛻明呂馬竇二稿擇其詞尤險怪者彙爲一書名蛻馬位聲竄入八股中間中翕然宗之凡篇中無用此者于司擯不錄黃石齋見而歎曰文宗固是好奇士子未免已甚

詩經衍義相傳以爲十七都楊氏著楊故老儒生書雖出弗行也乃列江縉雲名氏其上遂大傳布往歲原本尙

有列楊氏名者今亡矣

九龍江在北溪上游卽龍溪縣之所由名也張士楷有詩
其引云北溪峽口九龍戲江處四明施公守郡時禱雨
於此兩立澍去漳爲大官京師死國難詩曰江流汗漫
青如葱懸崖削立齊兩峯山根挿水三千尺盤石下壓
驪龍宮驪龍傳聞有九子曾出山根戲江水有無鱗甲
閃金黃隱見珠光欲雲紫百電千雷天海翻倏忽消藏
見清泚九龍一睡九千年劉累赤松呼不起施公身馳
五馬來罄折雲溪舊釣臺手持赤章擲蒼水青冥動色
山靈哀當時丹魁蔽南國帝閉江湖偷不得馮夷忽叱

九龍趨倒挽天府灑天日桑條麥秀拂鸞旗峽倒湫傾
送熊軾施公去後江水深兩師風伯無消息碧血魂遊
箕尾寒驪龍睡穩波濤黑眼前赤地更傷心淚向滄江
幾沾臆施公一去四十秋睡龍老死誰相求白骨堆江
江怒流鼉擲蛇騰百怪遊有龍別卧南山湫火雲歲歲
燒炎州時無施公卧卽休

漳浦人趙炎字尊客又字雙白寓雲間 國初以詩名所
著有冷鷗堂集其句云萬里秋心全在菊一江雁影半
隨潮繞郭千山紅葉兩緣溪一道白蘋風紅橋綠舫空
江路衰柳寒郵野犢車小巷風高漁市散荒汀烟破估

船開鷹影度殘孤嶂雨雞聲啼滿一江湖並佳

周十臣名山忠愍公起元之孫也從漳浦張端卿遊博學
上文長于詩籍溪邑弟子十臣有詩與黃廣文酒中話
舊事五十年來閱歷多曾遊吳越渡黃河六街徹夜吹
笙笛四海誰人隱薜蘿能說前朝時舊話不嘲熱客日
相過猶嫌未盡杯中物喚出雙童解樂歌廣文黃石齋
孫也康熙間錄用賢人子孫以徵辟出
書者六藝之一也古人左圖右書圖卽畫也畫與書同源
而異流漳建于唐僻處海濱前人論者謂唐鐫石文字
尙少惟烏石山李場水篆書般若臺銘足以領袖十閩

不知郡城中之咸通塔有司戶參軍劉鐫書早與之抗
矣顧亭林文字攷潘稼堂補末云書法婉雅絕似廟堂
碑未知存否夫以爲似廟堂碑是矣以爲未知存否似
考核未周也亭林足跡幾遍天下獨未至漳若稼堂蹂
躪閩廣之交而云未知存否得乎他若雲洞瑤臺傍刻
石有保大二字下云許碣尋偃子幾個字不甚分曉亦
不詳年代蓋保大是南唐年號許碣堅瓠集謂之酒狂
乃詩仙也宋則首推子朱子所在精藍多有之有明則
漳人之善書者必推黃石齋真草張國經八分張虛舟
草書王伯雲大書陳二蘭楊行素行書黃君篆洪石秋

章草亦稱道妙至盧深容真書爲館閣正宗里人林雍稱其按紙畧不經意而端莊中度俊逸瀟灑卓乎自成一家也受知憲廟授中書舍人賜鑑賜幣終禮部員外郎元孫振明重鐫其叙古千文楷法方潤可二寸許結體大方用筆道秀蓋合平原誠懸而變化出之今版猶存先正典型于此可想風概矣振明崇正舉人能世其業得寸紙者爭寶貴焉

林梅雪元凱筆姚教諭省吾嘆其楷法精絕直追晉唐昔讀梅雪集見與王太史論書謂用筆須兼正側乃臻妙境近世子昂書非不工然側筆太多不能逃筆床月旦

今觀此帖益信先生于此道固池水盡黑也右詹我士跋林梅雪墨跡如此

李宓字義民龍溪人工諸體書琳宮碑額揮灑最多華亭董文敏嘗具書幣請其書自嘆不及也晚以黃庭內外經一經一緯右軍書外景而不書內景遂續三千字補之結體工妙纖入無倫論者以爲如天女散花繁采麗密自然縹緲也王弼林子燕得片石爲玉枕蘭亭歎其精絕但不知爲漳人耳所書黃庭一石數年前爲郡守張西圃鎮購去尤爲近代絕手當時有陳日炳者雅相伯仲今馬肚鳳池承恩春卿世德坊及東嶽障墻岱宗

兩字是其遺跡也至

國朝魏大千學顏太師于家廟毛姑二碑頗神肖請書者具書幣隨手散去不留一錢後有黃巔字小山者邑諸生草學懷素亦擅名

畫亦儒家游藝之一鄉先正以此傳者絕少世言陳布衣畫片紙無存石齋能畫松畫魁見姜西溟作贊畫未日觀也佩文齋書畫譜云黃石齋善畫人初不知也臨難前作水墨二大幅長松怪石極其磊落其高致如此劉履丁爲石齋畏友書畫精絕論者謂其可衙官徐齋高棅而亦少見矣然徐齋之學丹青設色點染黃荃周昉

之流亞也若高棅丹青論者直擬王摩詰至于嚴仙黎著有碧梧庵集固以詩人稱而筆墨蕭疎亦能作花卉漳人頗向之若翁公衡寫人物鬚眉如生康喜子畫百卉潑墨淋漓皆獨振一方游藝事者自能辨其所短長也

國朝詩別裁集有龍溪趙與鞭九日雜詠一首云寒食用之推端陽悲郢客如何重九日不祀陶彭澤歸愚宗伯選別裁頗傲竹垞明詩綜每人系以小傳援據詳洽然趙本順治甲午舉人官廣東茂名知縣而沈乃誤以爲布衣也

石溪之仰山做位雲也自是以後詩社寥寥矣姚巨山許
上羽復嗣遺響結社聯吟二人並以布衣終故詩名不
甚遠著然佳詩頗多惜知之者少日就散佚耳姚有題
項羽別虞圖七言絕句垓下歌殘尚愴神英雄遺恨大
江濱八千無一田橫客不負君王是美人許有閨怨五
絕句隣姨良可憎迫索湘裙刺人家夫婿榮昨夜西京
至並含蓄有味不失雅音

郡中文社之盛有南屏世罕知之南屏者鄭白麓亦鄒居
石溪時所主倡也與會常三百餘人鄭鶴齋溥有詩憶
石溪簡盧正則云憶昔南屏會風雨白麓先生實鼓舞

一時雲集三百人爍爍英光動眉宇文風振起八代衰
簡約清華與竒古縱橫萬狀無方物麗藻離披亦各取
引商刻羽和者誰盧子正則稱最愈其中仰山十三狂
與者雲平與乙光大瑟後來若虞先翼中元美五翱翔
錦江置酒動高會濁醪累舉千萬觴乙光狂歌大瑟鼓
懽呼肆謔夜未央村中學究多却走一時豪舉擅清漳
數年之間風景殊人事反覆多無常大瑟既沒乙光死
雲平繼之亦淪亡餘子飄零各衰老十年不見投何方
我也少年負不羈髯髮已華志尤昂無端苜蓿餒騏驎
何日梧桐棲鳳凰今年逢君話夙昔明年君歸亦淒涼

東臯舒嘯陶彭澤南山歸卧孟襄陽君家敖翁長生秘
將子無死獲瓣香南山之南北山北與君投老相徜徉
潤筆之風唐時最盛李北海雅擅文譽魏遺之資至累巨
萬元白文望相埒交亦最忠微之墓志贈鞍馬綾帛玉
帶數事價踰六七十萬自宋迄今此風熄矣龍溪有陳
存義者食貧力學以古文辭自雄或買其文但百數十
字便已許可欲求益取肥不顧也至於鴻章鉅製每與
人爭片語隻字之間售以多金曰吾筆乾矣試於有司
鬱奧古蒼未易輕佻而出人以比之絳守居池記惟韓
子乃謂文從字順耳已卯鄉薦之文倔強如故王司取

以殿榜

陳必儻字士顛高才力學其爲文間以隱語嘲人邑人別
駕某者其繼室卒有所知欲爲文祭之而屬陳起草內
一聯云明妃之冢青青文姬之笳拍拍蓋別駕鼻音難
陳戲比爲夷酋而二婦人俱再醮與繼室合傳者爲之

絕倒筆記

賣卜者詩山居一首早有構茅意于今得此鄉竹脩新粉
墜蓮老故衣香濯足臨流水鋤雲到夕陽樵人隨犢返
短笛漫聲長李約野孝廉曰賣卜者不著姓名無亦蒲
田白雲之流亞乎

楊無異名殊隱士祺之子也有父風嘗見其詩云六七叢
皆竹兩三石可翁繩床邀月坐甕牖任雲通又自題讀
書處云于無容着手時打掃一片淨地尙有可舉頭處
問難數尺青天可以想其逍遙自得之致矣子江長亦
能詩

漳藏書之富石溪鄭氏幾甲郡中分經史子集四部類爲
書目錄八本又益以雜部二本計書目凡十卷他如少
宰祠王氏及海澄大觀山房葉氏積書之家所在多有
然蘊蓄之宏鄭氏其最也至前哲遺集世所罕觀而此
獨搜羅叢集諸家皆不能及庚寅遭溪漲損壞大半書

亦有厄哉

石碼鎮在郡東南有明張燮鄭懷魁結社漳江文彩斐然
是鎮之不可無志明矣前郡判皖城石山聘茂才林文
琰頗負詩名工筆札時年八十脩志尙未成而石山去
任以

國家之規模宏遠旋恢市鎮易堡而城設文武官員以資彈
壓水陸有備闕津有訊居然東偏一大保障安可聽其
久而弗彰乎

右藝文

長泰良岡山在石銘里峻削壁立下有深潭不可測周十

餘畝有蛟螭爲民害或馬牛悞飲于此吞食之唐元和五年一夕山南有雷暴震數百里若山崩狀日視之石壁數百仞摧墮潭水湮塞流注四野蛟螭之血遍若元黃石壁鑿成蝌蚪大篆一十九字字勢甚古人莫能識郡守因名其地爲石銘里後有人持其字至東洛時韓愈以尙書郎爲河南令見而識之其文曰詔闕一字黑視之鯉魚天公甲殺人牛壬癸神書急急詳究文義似上帝責蛟螭之詞不知韓公何所據也

龍溪縣志梁氏明金太守子婦隨守至漳未婚而守之子卒梁亦繼亡葬于郡西蝴蝶山下有明小才女錢塘梁

氏墓碑爲鶴臯林子淑所題旁又有洪武間舊碑而陳慧山雜記又稱爲仙子金氏蓋因降乩輒自署曰金仙子故當時有金仙子之號余考秩官注終明之世無有金姓守漳者郭有才則謂梁氏洪武間漳守錢古訓子婦是又一說矣

洪迪珍初止通販嘉靖三十四五年載日本富夷泊南灣得利自是歲率一至致富巨萬尙未有引倭爲寇實跡或中國人被倭擄掠輒以物贖之遣還其人人頗德之戊午復來浯嶼諸惡少群往接濟絡繹不絕官府不能禁設八槳船追捕竟無一獲又妄獲商船解官于是迪

珍始輕官府又拘繫其家屬殫珍自是無反顧之期與倭表程爲亂及事窮勢敗方就招撫官因其就招而擒之反張其事以爲功因著于篇以示戒云

郡東二十里鳳山右麓道旁有石鐫萬歷丁巳六月廿一日水曾到此十三字石去平田可三丈許康熙戊戌雍正庚戌兩次大水並幾及乾隆甲戌四月水又至石下庚寅閏五月大水比甲戌歲高二尺許與丁巳同丙申五月二十日又水視庚寅差少八寸鄉人恒以此石識大水高下水淹至此沿溪一帶沒及屋瓦矣

萬歷庚寅六月初九日廿九都徑內山有一物狸面猿背

猴爪灰毛色身僅尺許鄉人獲之縛樹上遍問無識者甫三日颶風發屋拔木久乃知其爲風猿也按劉欣期交州記云風母狀似猿撲之不死戊申歲詔安二都有虎妖狀如馬而虎文夜常至村落能呼人戶入而噬人被戕者數家男子張豹持白挺夜候其至拊擊之虎墮而張亦斃按說苑驥食駁駁食虎駁之狀似駁馬員山有樵夫不知其姓氏嘗上員山絕頂見二老人對奕老人授與逃糧菓樵夫去其心蒂啖之老人曰有心有蒂登雲客無心無蒂看命人因以書授之遂神命卜月嶺有婦人其夫病欲來問一樵夫先占一課授家人曰

予將出遊少頃有婦人來可持此課與之婦人至開緘
視之題云月嶺婦人來問卜三十文錢買一哭及歸夫
死矣

南靖黃醒軒授徒縣之古樓道過梁山遇老人自稱梁公
邀至其家壁間題句云青青千里草隱隱獨家邨日暮

客投宿山深虎守門

列朝詩集五
見明詩綜

陳必舉詔安五都人嘗得讖緯書能以符呪呪物又能知
未來事黃冠布衣遨遊江湖嘗一日于懸鐘心動遽歸
至其家爲人語某當死家人請其期爲治殮具至期而
必舉果死蔡保禎有陳異人詩云鄉人爲我言里有陳

必舉赭髭通符呪能自知生死洞達大命因身世等逆

旅化期云已逝先時造親侶訣別語諄諄胸懷無齟齬

舍殮器畢具盥凍辭兒女全歸不爽期應同松喬處

詔安城西良峯山有九落廟祀唐將軍及裨將許天正馬

仁李伯瑄歐哲張伯紀沈世紀等有靈異明正德間神

以袍服不鮮自詣省城賒緞稱南詔人家良峯山屋九

層舖主見容貌魁梧坐下有據賒之至期詣取無九層

屋者顧瞻廟貌儼然當時人忽殿下見黃袍內銀兩如

數或盜賊所棄賍物也然其事奇矣

東里少宰王公子世衛少聰穎有異才年十六補諸生配

周忠愍季女未娶而夭目爲不瞑周淑媛有姿色雅慕才子聞訃有靡他之志亦悒悒抱病亡時內林有孫赤石秀才東里老友也公子旣沒之三年赤石之子安南遇王家一僕進恢手一函曰家舍人有書寄秀才今天已晚不得親達祈轉上安南回白其父父曰進恢死久矣兒所見得毋類其人耶啓函視之書訖附詩二韵悽楚沁人孫知爲鬼札爲手錄置原封匣內隔宿僅絹灰少許蓋周死未葬詩中寄意似欲周與之同穴也明日以其事及所錄札與王氏言舉家哀悼驚駭方告周之母家謀合葬適明季鼎革其事遂寢其書云一卧山中

歲月已深殊鬱鬱不樂每欲奮翼造訪而無路得達適僕夫有便附錄二韵奉寄煩先生一闡其秘若不惜玉可枉顧山廬曷勝瞻注其詩云十望軒車九不來荆花幾度滿山開于今枕簟渾灰却惟有長松伴夜臺獨攜長帚掃秋花空谷無人桂影斜弄玉不來腸欲斷夢魂今夜落誰家見墻東王氏詩集

崇正末年平和人有宋我純者早出見一女孩棄道中拾歸付母養之及笄遂室焉日以供佛爲事里中多化之旣而生二子遂謝我純依山結屋爲靈山之會架床樑間梯而巢息能稍知休咎里中稱曰宋媽久之媽謂同

會曰塵世非久居佛示我極樂國吾將往也同會從者十九人至同安道旁有塘此極樂國也夜舍于岸上旦亡焉數日浮尸而出亡一尸卽媽也或曰此塘舊有螺精迷人媽螺化也然同會者聞之猶以爲尸解

郭青螺子章太和人前身乃海澄縣三都張氏子也幼出家開元寺齊觀察年十八有同安諸生蘓姓者肄業寺中戲之忿張忤觸虐以扇頭三張遂恚恨而亡托生于太和郭母夢中細述其事與母知之誕而岐嶷聰慧過人年十九登第爲泉州司理禮賢下士一日蘓生偶緣事到官子章一見如有夙仇密申黜之批下之曰杖蘓

三十回衙而悔母詰之章曰蘓生未有大故兒去其前程乃追悔耳耳其姓字曰吁此兒夙因也章驚愕問故備述前事後子章查盤漳州入齊觀察檢視龕中神主果如母言此出青螺家乘有黃州者爲雲南守備時子章官巡撫自言前事黃因抄錄傳爲美談云開元寺志遺事

陳鑊山會元少讀書齊天巖晨之海上釣得白魚長十餘尺見巨浪立如山輒驚仆一漁父負而歸之薄暮有老人至巖下問曰青摩子無恙乎飄然不復見僧以運曰此龍精也君頃者所釣其白龍乎世從此亂矣君親見

其勞苦居無何烽火數起佛室廬舍俱毀于兵見江園居士自傳

鄭奇嵐之良爲諸生時家甚貧將赴省試乏貲其妻脫簪珥佐之鄭應試未歸鄭妻在室日或不舉火夜篝燈絡紗方愁嘆忽見一鬼婦爲啼笑狀以縊具擲鄭妻前鄭妻詈曰賤婢奚爲者吾未卽膺鄉薦吾將受花幣拜謝皇恩豈效蠢婦短見哉鬼婦逡巡而退未幾鄭歸果舉經魁後官奇嵐知州妻封宜人

郭成堅初名時沃幼失怙未諳于學性超逸喜遊山水間年十八從叔之武夷遊大王峰有張徐二仙宋時遺蛻尙存塑像祀之成堅朝夕頂禮語人曰二仙見我輒笑衆莫之信也居二年獨不歸飄飄有遺世志忽于四月五日數稱二仙將度我作詩二絕寄其母與弟妹曰稽首慈親寄遠天願無惆悵早消緣雲庄笑傲瑤臺上路崎嶇孰與賢踞此名山好練真九垓俯瞰入埃塵爲言弟妹休相憶雲水長遮世外人衆共驚駭不學何以能此自是水漿不入口凡二十餘日日夜踞坐峯巔忽不見後得其魄于殿瓦上峯最奇特踞殿可數十丈墜下瓦無玷膚不傷歆身向張徐二仙像扶下笑容如生眼能轉睛人環視之坐晌方暝傳以爲仙去云係乾隆

十九年二月間事也

右災祥

王緒光州固始人見逼于秦宗權遂以其兵叛自南康入臨汀漳浦有衆數萬至南安爲王潮王審知所劫觀察使陳巖表潮爲漳州刺史後遂併福州時唐大順三年

也今閩中訛以王潮爲王巢

王審知固始人唐末據有全閩卒子延曦稱閩帝南據六州延政稱殷帝北據建州晉開運元年朱文進重遇殺曦以程斌守漳州永春人留從效起兵泉州殺所置守漳州亦殺斌迎王繼成爲刺史繼成王氏之諸子也既

延政殺重遇降于唐留從效乃自領漳泉二州稱留後俱五代史

南唐保大四年命改漳州爲南州以董思安爲刺史七年留從效遣從願殺思安據南州自稱刺史唐不能問南唐書

董思安僞閩時漳州刺史也莆田志載其忠于王氏南唐兵攻建州思安領兵赴難戰數不利或說以去就計思安曰吾輩世爲王氏臣今危而叛去天下其有容我者乎衆感其言無有叛者城陷思安全其衆奔歸泉州南唐以爲漳州刺史相傳謂思安父名漳故改漳州爲南


州然實南唐定王氏亂後乃改州名見南唐書時安適
為刺史耳

留從效從願之兄也效無子以其子紹錡紹鑑為子以漳
州授從願從效病紹錡在金陵鑑尚幼而從願在漳州
衙校仙遊人陳洪進逐劫效遷東亭時建隆三年也進
既得兵柄願亦不能討明年洪進執紹鑑父子送金陵
陳洪進宋乾德二年授節度泉漳等州觀察使檢校大傅
子文顯為漳州刺史凡七年洪進每歲以脩貢厚歛是
以漳泉二州多無名稅役開寶四年授進弟銛為漳州
刺史太平興國元年洪進入朝以漳泉兩郡獻太宗優

詔嘉納之洪進留京師子弟皆改授近郡

陳有定元季據福建敗明深兵奪回汀州元人加有定平
章遂發兵聲取諸郡丙午九月有定使至漳漳守臣羅
良獨不下歎曰賊豈人為乎乃以書責有定有定得書
人怒益發兵攻漳州兵渡柳營江良戰敗績遂圍城踰
旬月部下有叛者緣城入城陷良死之有定據漳以州
城地勢完固乃遣人鑿山以洩北氣又縮城之東西北
三面縱役其民

右秩官



章徽烈兵贊如首

刺育室示李徽詠駁想朋烈兵

臨嘉祿文其徽留京韻千

